

**MALAYSIA**  
**DEWAN RAKYAT**  
**ATURAN URUSAN MESYUARAT**

**NASKHAH SAHIH/BAHASA MALAYSIA**

<http://www.parlimen.gov.my>

**HARI ISNIN, 24 OKTOBER 2011, PUKUL 10.00 PAGI**

**Bil. 46**

---

**PERTANYAAN-PERTANYAAN BAGI JAWAB LISAN**

1. PR-1243-L45459  
**Dato' Lilah bin Yasin [ Jempol ]** minta **MENTERI PENERANGAN, KOMUNIKASI DAN KEBUDAYAAN** menyatakan :-
  - (a) apakah perancangan Kementerian bagi mengekalkan warisan kampung-kampung melayu lama, meningkatkan infrastruktur, warisan sejarah dan tradisi komuniti; dan
  - (b) apakah perlindungan undang-undang bagi memelihara agar kewujudan kampung-kampung melayu berkekalan.
2. PR-1243-L46251  
**Tuan Lim Lip Eng [ Segambut ]** minta **MENTERI KEWANGAN** menyatakan rasional pengeluaran siri ketiga duit syiling dan siri keempat wang kertas baru Malaysia, kosnya masing-masing, siapa pembekal dan di mana ia diperbuat.
3. PR-1243-L46788  
**Tuan Haji Matulidi bin Haji Jusoh [ Dungun ]** minta **MENTERI SAINS, TEKNOLOGI DAN INOVASI** menyatakan :-
  - (a) jumlah ciptaan yang telah dihasilkan semenjak Kementerian ditubuhkan; dan
  - (b) berapakah jumlah ciptaan yang memberikan impak secara langsung terutamanya kepada golongan petani, penternak dan nelayan.
4. PR-1243-L45894  
**Tuan Azan bin Ismail [ Indera Mahkota ]** minta **MENTERI KEWANGAN** menyatakan apakah kesan yang dialami oleh negara kita akibat keputusan Kerajaan Amerika Syarikat mengehadkan kadar siling hutang negara mereka terutama apabila menstrukturkan semula sebagai langkah pemotongan Belanjawan.

5. PR-1243-L45939  
**Datuk Haji Mohamed Bin Haji Aziz [ Sri Gading ]** minta **MENTERI PELANCONGAN** menyatakan apakah langkah-langkah yang telah dan bakal diambil dalam usaha mempertingkatkan lagi hubungan pelancongan antara rakyat negara ini dan rakyat Negara China.
6. PR-1243-L45735  
**Dato' Taib Azamudden bin Md Taib [ Baling ]** minta **MENTERI PERDAGANGAN DALAM NEGERI, KOPERASI DAN KEPENGGUNAAN** menyatakan apakah usaha-usaha Kementerian yang lebih berkesan akan dilakukan bagi membantu perkara pengusaha IKS memasarkan produk mereka, memandangkan ruang pasaran yang amat terhad dan hampir tidak mendapat tempat terutama di pasaraya-pasaraya besar.
7. PR-1243-L46616  
**Tuan Hasbi bin Habibollah [ Limbang ]** minta **MENTERI KEMAJUAN LUAR BANDAR DAN WILAYAH** menyatakan bilakah Kerajaan akan membina Jalan Meritam / Telahak/ Buangabai/ Pengkalan Rejab Fasa 3 (fasa terakhir) setelah fasa 1 & 2 yang dijangka siap penghujung tahun 2011 untuk memastikan objektif asal jalan sebagai kemudahan asas untuk rakyat di sepanjang Sungai Limbang dan membuka kawasan pembangunan tanah jelapang padi.
8. PR-1243-L45566  
**Tuan Saifuddin Nasution bin Ismail [ Machang ]** minta **MENTERI KERJA RAYA** menyatakan :-
  - (a) jumlah kontraktor Bumiputera Kelas F yang mendapat peluang kerja dalam projek Jambatan Kedua Pulau Pinang; dan
  - (b) nilai projek yang diperolehi oleh kontraktor Bumiputera tersebut.
9. PR-1243-L46104  
**Dato' Seri Mohd. Radzi bin Sheikh Ahmad [ Kangar ]** minta **MENTERI SUMBER ASLI DAN ALAM SEKITAR** menyatakan adakah Kementerian mempunyai perancangan khusus bagi membantu negeri Perlis dalam projek pemuliharaan, pembangunan dan pembersihan Sungai Perlis dalam bandar Kangar bagi tujuan mewujudkan sebatang sungai yang bersih dan menarik sebagai tempat rekreasi penduduk tempatan serta tarikan pelancong ke negeri Perlis.
10. PR-1243-L45280  
**Dr. Michael Jeyakumar Devaraj [ Sungai Siput ]** minta **MENTERI KESIHATAN** menyatakan :-
  - (a) bilangan graduan kursus diploma kejururawatan yang mengambil peperiksaan Lembaga Kejururawatan untuk mendapatkan pendaftaran; dan

- (b) bilangan yang berjaya dalam peperiksaan tersebut, untuk tiap tahun dari 2007 hingga ke 2010, dengan memberi pecahan universiti atau kolej mereka.
11. PR-1243-L45973  
**Tuan Salleh bin Kalbi [ Silam ]** minta **MENTERI PENGANGKUTAN** menyatakan status terkini pembinaan Pusat Aeroangkasa Antarabangsa Malaysia (MIAC) yang melibatkan kawasan seluas 480 hektar di Lapangan Terbang Sultan Abdul Aziz Shah dan berapakah kos pembangunan projek tersebut.
12. PR-1243-L46758  
**Dr. Mujahid bin Haji Yusof Rawa [ Parit Buntar ]** minta **MENTERI PENGAJIAN TINGGI** menyatakan jumlah graduan Universiti Pendidikan Sultan Idris (UPSI) yang menerima pinjaman PTPTN yang diterima menjadi guru di sekolah Kerajaan pada tahun 2010.
13. PR-1243-L46328  
**Dato' Sri Ir. Mohd Zin bin Mohamed [ Sepang ]** minta **PERDANA MENTERI** menyatakan tindakan tegas yang diambil Kerajaan dalam membanteras, membendung dan menghalang penyebaran ajaran Syiah secara meluas di negara ini terutama di kalangan pelajar Institut Pengajian Tinggi (IPT).
14. PR-1243-L46290  
**Tuan Tan Tee Beng [ Nibong Tebal ]** minta **MENTERI PENGAJIAN TINGGI** menyatakan setelah ijazah dari Negara China diiktiraf oleh Kerajaan, adakah Kementerian mempunyai apa-apa rancangan selanjutnya supaya pelajar-pelajar akan mendapat manfaat daripada pengiktirafan tersebut.
15. PR-1243-L45684  
**Tan Sri Datuk Seri Dr. Fong Chan Onn [ Alor Gajah ]** minta **MENTERI PERDAGANGAN ANTARABANGSA DAN INDUSTRI** menyatakan dasar Kerajaan dan tindakan yang telah diambil oleh Kementerian untuk menarik lebih *Foreign Direct Investment* (FDI) ke dalam negara dan minta menyediakan statistik berapa banyak projek Kerajaan Persekutuan serta MIDA ke setiap negeri-negeri sejak 5 tahun yang lepas.
16. PR-1243-L45277  
**Dato' Kamarul Baharin bin Abbas [ Telok Kemang ]** minta **PERDANA MENTERI** menyatakan :-
- (a) rancangan dan perbelanjaan kebajikan wang zakat dari 2005 hingga 2010 dalam usaha-usaha mencegah kemungkaran dalam masyarakat Islam; dan
- (b) cara mana pelaburan wang zakat dalam pelaburan harta dapat memberi faedah kepada umat.

17. PR-1243-L45229  
**Puan Hajah Nancy binti Haji Shukri [ Batang Sadong ]** minta **MENTERI PERTANIAN DAN INDUSTRI ASAS TANI** menyatakan sama ada Kementerian mempunyai perancangan untuk mengetengahkan herba sebagai tanaman yang pelbagai yang boleh membantu golongan pengusaha kecil di peringkat kampung.
18. PR-1243-L45570  
**Puan Siti Zailah binti Mohd. Yusoff [ Rantau Panjang ]** minta **PERDANA MENTERI** menyatakan apakah pemantauan dibuat terhadap keberkesanan pasukan tentera yang berkawal di sepanjang sempadan Malaysia - Thailand berbanding dengan pasukan polis, apa tindakan mengatasi masalah penyeludupan dan masalah sosial melalui sempadan yang semakin berleluasa.
19. PR-1243-L47057  
**Datuk Dr Tekhee @ Tiki anak Lafe [ Mas Gading ]** minta **PERDANA MENTERI** menyatakan jumlah dan nilai projek di bawah program NKRA dan prestasi serta peringkat pelaksanaan setakat ini kerana difahamkan bahawa masih ada lagi projek yang belum lagi bermula.
20. PR-1243-L46777  
**Tuan Hee Loy Sian [ Petaling Jaya Selatan ]** minta **MENTERI PEMBANGUNAN WANITA, KELUARGA DAN MASYARAKAT** menyatakan :-
- (a) apakah usaha Kementerian untuk meningkatkan imej Pusat Pemulihan Dalam Komuniti (PDK) sebagai satu pusat pemulihan untuk kanak-kanak kurang upaya dari keadaan sekarang seolah-olah PDK sebagai satu tempat asuhan atau jagaan harian; dan
  - (b) adakah Kementerian bercadang untuk menaikkan elaun guru PDK terutama mereka yang tinggal di bandar.
21. PR-1243-L46264  
**Datuk Nur Jazlan Bin Mohamed [ Pulau ]** minta **PERDANA MENTERI** menyatakan langkah yang diambil oleh Talent Corp untuk menarik golongan rakyat Malaysia berumur 35 tahun ke atas yang menjawat jawatan tinggi di syarikat antarabangsa untuk pulang ke Malaysia. Adakah langkah-langkah ini berjaya dan kalau tidak, apakah alasan yang diberikan oleh mereka yang tidak berminat.
22. PR-1243-L46224  
**Puan Hajah Fuziah binti Salleh [ Kuantan ]** minta **MENTERI SAINS, TEKNOLOGI DAN INOVASI** menyatakan sama ada Kementerian sedar atau tidak bahawa Lynas Corporation meletakkan piawaian mengikut piawaian Negara China di dalam kertas kerja mereka berkenaan sisa buangan radioaktif di loji pemprosesan mereka, LAMP.

23. PR-1243-L46116  
**Datuk Wira Ahmad bin Haji Hamzah [ Jasin ]** minta **MENTERI PERDAGANGAN ANTARABANGSA DAN INDUSTRI** menyatakan selepas perjanjian rangka Kerja Kolaboratif Komprehensif (CCF) berjaya dimeterai antara MAS dan AirAsia bagi sektor pengangkutan udara, adakah Kerajaan bercadang untuk mengadaptasi kaedah yang sama terhadap syarikat proton dan perodua dalam mengujudkan persaingan sihat di sektor automotif negara.
24. PR-1243-L46519  
**Dato' Seri Anwar bin Ibrahim [ Permatang Pauh ]** minta **PERDANA MENTERI** menyatakan cadangan mengkaji semula takrif dan ukuran paras kemiskinan yang sewajarnya mengambil kira perubahan keperluan kehidupan dan kos sara hidup yang meningkat agar memberikan gambaran yang lebih tepat dan realistik mengenai takrif kemiskinan bandar dan luar bandar, dan berapa ukuran Pendapatan Garis Kemiskinan terkini, serta nyatakan kadar kemiskinan dan bilangan isi rumah yang berada di bawah paras kemiskinan bagi setiap negeri bagi tahun-tahun 2007-2010.
25. PR-1243-L46413  
**Tan Sri Datuk Seri Syed Hamid bin Syed Jaafar Albar [ Kota Tinggi ]** minta **PERDANA MENTERI** menyatakan usaha-usaha Kerajaan bagi menjamin semua bantuan dari wang zakat fitrah dan baitulmal dapat dilihat sebagai telus oleh umat Islam untuk mengatasi masalah kepinggiran dan kedaifan di peringkat negeri dan negara di kalangan umat Islam secara keseluruhan.
26. PR-1243-L45576  
**Tuan Jeff Ooi Chuan Aun [ Jelutong ]** minta **MENTERI KEWANGAN** menyatakan dari segi ketelusan *corporate governance*, apakah penjelasan pengurusan Khazanah Nasional Berhad mengenai kes Malaysia Airline System (MAS) yang didakwa oleh GIRO - Warranty House International, Inc. di mahkamah Oklahoma, Amerika Syarikat, kerana melanggar kontrak dan salah nyata fraud serta tuntutan ganti rugi sehingga AS\$80 juta (RM238 juta).
27. PR-1243-L47085  
**Tuan William @ Nyallau Anak Badak [ Lubok Antu ]** minta **MENTERI PENERANGAN, KOMUNIKASI DAN KEBUDAYAAN** menyatakan bolehkah (TV1) ditambahkan siarannya daripada ½ jam sahaja kepada satu jam untuk bahasa Kadazan Dusun dan Bahasa Iban kerana ianya benar-benar diminati penduduk di negeri Sabah dan Sarawak untuk mendapatkan maklumat penting daripada pihak Kerajaan khasnya penduduk di luar bandar.
28. PR-1243-L46227  
**Tuan Wong Ho Leng [ Sibul ]** minta **PERDANA MENTERI** menyatakan kadar kemiskinan dan kemiskinan tegar di Sarawak dan apakah langkah-langkah yang sedang diambil untuk membasmi kemiskinan.

29. PR-1243-L46310  
**Datuk Mohd Nasir bin Ibrahim Fikri [ Kuala Nerus ]** minta **MENTERI DALAM NEGERI** menyatakan jumlah Pendatang Asing Tanpa Izin yang gagal didaftar melalui program 6P mengikut pecahan warganegara dan apakah tindakan seterusnya bagi menangani masalah tersebut.
30. PR-1243-L45706  
**Tuan Manogaran a/l Marimuthu [ Telok Intan ]** minta **PERDANA MENTERI** menyatakan pelantikan Ketua Hakim Negara, Presiden Mahkamah Rayuan dan Ketua Hakim Malaya baru-baru ini dibuat tanpa mengambil kira lain-lain Hakim yang lebih kanan (senior) dan lebih berkelayakan. Apakah kriteria yang digunakan untuk ketiga-tiga jawatan tersebut.
31. PR-1243-L46065  
**Dato' Johari bin Abdul [ Sungai Petani ]** minta **MENTERI DALAM NEGERI** menyatakan :-
- (a) adakah benar dikatakan 90,000 orang warga asing yang didaftarkan dengan Suruhanjaya Tinggi Pertubuhan Bangsa-bangsa Bersatu Bagi Orang Pelarian (UNHCR) dikenal pasti menjadi antara sasaran sindiket penyeludupan manusia di negara ini; dan
  - (b) nyatakan kaedah yang digunakan untuk memerangi sindiket penyeludupan manusia di negara ini.
32. PR-1243-L46865  
**Tuan Sivarasa A/L K.Rasiah [ Subang ]** minta **MENTERI PERTAHANAN** menyatakan adakah 'komisen' tambahan selain daripada komisen 114.9 juta Euro dan juga 'komisen' 30 juta Euro dan 2.5 juta Euro yang dibayar kepada pihak-pihak lain termasuk Perimekar Sdn. Bhd. dan syarikat di Malta bernama Gifen yang berkaitan dengan pembelian kapal selam Scorpene.
33. PR-1243-L45852  
**Tuan Mohsin Fadzli bin Haji Samsuri [ Bagan Serai ]** minta **MENTERI DALAM NEGERI** menyatakan butiran pesalah dadah yang telah disabitkan kesalahan mereka di bawah Seksyen 39B
- (a) berapa ramai dan negara asal mereka sejak 2005, berapakah kos membiayai mereka sehingga mereka menjalani hukuman mandatori; dan
  - (b) apakah pelan dan tindakan jangka panjang untuk menangani masalah tersebut yang kini menjadikan Malaysia sebagai transit.

34. PR-1243-L46274  
**Tuan Liew Chin Tong [ Bukit Bendera ]** minta **PERDANA MENTERI** menyatakan secara terperinci tentang kos dan belanjawan pelaksanaan dakwat kekal dan pengesahan biometrik bagi Suruhanjaya Pilihanraya (SPR), serta prosedur-prosedur dan peraturan-peraturan untuk proses tender dan perundingan (*consultation*) untuk pengesahan biometrik.
35. PR-1243-L45565  
**Tuan John A/L Fernandez [ Seremban ]** minta **PERDANA MENTERI** menyatakan :-
- (a) secara terperinci dari 30 Jun 2011. Jumlah orang yang menukar agama kepada agama Islam mengikut pecahan kaum; dan
  - (b) adakah terdapat sebarang undang-undang di mana keluarga mereka ini sepatutnya diberitahu mengenai pertukaran agama ini bagi mengelakkan perebutan jenazah apabila penganut tersebut meninggal dunia.
36. PR-1243-L45086  
**Tuan Fong Kui Lun [ Bukit Bintang ]** minta **MENTERI DALAM NEGERI** menyatakan :-
- (a) bagaimanakah sambutan pendaftaran PATI menerusi program Amnesti Pendatang Asing dari segi bilangan dan kategori serta negara terlibat; dan
  - (b) bilangan pendatang asing yang menjadi pemastautin tetap dan warganegara sepanjang 3 tahun lalu.
37. PR-1243-L46948  
**Tuan Tan Kok Wai [ Cheras ]** minta **PERDANA MENTERI** menyatakan keadaan terkini perbezaan pendapatan dalam negara yang semakin teruk dan serius dan strategi-strategi yang diambil, jika ada, oleh Kerajaan untuk memastikan kesaksamaan dalam pendapatan. Nyatakan peratusan kekayaan negara yang dimiliki atau diterima oleh 10 peratus golongan rakyat yang terkaya dan peratusan rakyat Malaysia yang disifatkan sebagai miskin dan apakah kayu pengukur untuk menentukan kemiskinan.
38. PR-1243-L46860  
**Puan Teresa Kok Suh Sim [ Seputeh ]** minta **MENTERI PERDAGANGAN ANTARABANGSA DAN INDUSTRI** menyatakan kutipan cukai import kenderaan dari luar negeri yang dikutip oleh Kastam pada tahun 2007, 2008, 2009, 2010 dan kutipan sehingga bulan Jun 2011. Bilakah Kerajaan akan membuka pasaran kereta tempatan supaya kenderaan buatan luar negara boleh masuk ke pasaran Malaysia tanpa bayar duti import.

39. PR-1243-L46790  
**Dato' Haji Mahfuz bin Omar [ Pokok Sena ]** minta **PERDANA MENTERI** menyatakan adakah tindakan penyelesaian kepada krisis pertukaran dan pemindahan bekas Ketua Pengarah JKR, Datuk Seri Judin Abd. Karim ke jawatan Ketua Eksekutif CIDB yang diambil oleh Jabatan Perkhidmatan Awam mengikut standard dan piawaian mengikut perintah am perkhidmatan awam.
40. PR-1243-L46346  
**Tuan Gobind Singh Deo [ Puchong ]** minta **PERDANA MENTERI** menyatakan apakah tindakan yang akan diambil terhadap ketiga-tiga pegawai SPRM yang didapati oleh Suruhanjaya Diraja untuk menyiasat kematian Teoh Beng Hock bertanggungjawab soal siasat beliau dengan agresif, berlarutan menindas dan keji pada 15 dan 16.7.2009 dan sekiranya tindakan akan diambil di bawah Kanun Keseksaan terhadap mereka dan sekiranya tidak, kenapa.
41. PR-1243-L45197  
**Dr. Che Rosli bin Che Mat [ Hulu Langat ]** minta **MENTERI DALAM NEGERI** menyatakan rasional kenapa Anggota Polis Diraja Malaysia tidak di carum dengan caruman Perkeso.
42. PR-1243-L45357  
**Datuk Sapawi bin Haji Ahmad [ Sipitang ]** minta **PERDANA MENTERI** menyatakan bagaimana proses kajian persempadanan baru oleh pihak Suruhanjaya Pilihanraya (SPR) memandangkan kebelakangan ini banyak permintaan dikemukakan supaya ditambah bilangan kerusi, sama ada DUN mahu pun Parlimen.
43. PR-1243-L45643  
**Datuk Haji Baharum Bin Mohamed [ Sekijang ]** minta **MENTERI KERJA RAYA** menyatakan apakah perancangan jangka pendek dan jangka panjang yang dilakukan oleh Kerajaan untuk mengelakkan kesesakan jalan raya yang teruk terutamanya lebuh raya Utara-Selatan dan Pantai Timur di musim-musim perayaan.



**ATURAN URUSAN MESYUARAT DAN USUL-USUL**

1. (D.R.29/2011) Rang Undang-undang Perbekalan 2012 – **Menyambung semula Perbahasan atas masalah, “Bahawa Rang Undang-undang ini dibacakan kali yang kedua sekarang” (20 Oktober, 2011)**

**DAN**

**Usul dibuat oleh YAB Menteri Kewangan dan masalah dicadangkan :-**

“Bahawa Dewan ini, mengikut subseksyen 4(3) Akta Kumpulan Wang Pembangunan 1966 [Akta 406], membuat ketetapan iaitu suatu jumlah wang sebanyak tidak lebih dari lima puluh satu bilion dua ratus empat puluh lapan juta sembilan ratus ribu ringgit (RM51,248,900,000) dibelanjakan daripada Kumpulan Wang Pembangunan bagi tahun 2012, dan bagi tujuan dan butiran perbelanjaan pembangunan yang dinyatakan di bawah Maksud Pembangunan atau (“P”) dalam senarai Anggaran Perbelanjaan Persekutuan 2012, yang dibentangkan sebagai Kertas Perintah 9 Tahun 2011, adalah diuntukkan di bawah Maksud-maksud yang berkenaan jumlah-jumlah yang bersetentangan dengan butiran-butiran itu di ruangan enam dan tujuh senarai tersebut.”

**Menyambung semula Perbahasan atas masalah (20 Oktober, 2011)**

2. (D.R. 30/2011) Rang Undang-undang Kewangan (No. 2) **Bacaan Kali Yang Kedua**  
2011  
**[ Kementerian Kewangan ]**
3. (D.R. 31/2011) Rang Undang-undang Lembaga Hasil Dalam Negeri Malaysia (Pindaan) 2011 “  
**[ Kementerian Kewangan ]**
4. (D.R. 37/2009) Rang Undang-undang Cukai Barang dan Perkhidmatan 2009 “  
**[ Kementerian Kewangan ]**
5. **Menteri Kewangan** akan mencadangkan:-

“Bahawa Dewan ini, mengikut peruntukan di bawah Seksyen 5 Akta Persatuan Pembangunan Antarabangsa 1960, mengambil ketetapan bersetuju supaya Malaysia membuat sumbangan Dana Tambahan Keenam Belas kepada Persatuan Pembangunan Antarabangsa (IDA 16) sebanyak USD119,275 (RM368,208).”

6. PR-1243-U45136  
**Datuk Dr. Marcus Mojigoh [ Putatan ]** akan mencadangkan:-

"Bahawa Dewan ini mengambil maklum bahawa migrasi keluar atau *Brain Drain* di negara ini amat serius sehinggakan terdapat kajian oleh National Economic Advisory Council mengatakan bahawa , sejak tahun 1960 hingga tahun 2005 sahaja, seramai 1,489,168 telah berhijrah keluar dari negara ini. Dan mengambil maklum bahawa kehilangan sumber tenaga yang begitu berharga ini akan membantutkan lagi usaha Kerajaan untuk menjadikan Malaysia sebagai negara berpendapatan tinggi menjelang tahun 2020. Bagi Malaysia untuk mencapai status negara berpendapatan tinggi, Malaysia hendaklah membangunkan, menarik dan mempertahankan sumber manusia yang ada. Dan mengambil maklum bahawa, antara penyebab utama fenomena ini adalah potensi pendapatan, prospek karier / kenaikan pangkat, kualiti pendidikan, kualiti kehidupan dan tidak kurang pentingnya, ketidakpuasan hati ke atas faktor polisi yang dianggap berbau diskriminasi terutama sekali di kalangan bukan Bumiputera, masyarakat Cina dan India. Dan mengambil maklum juga bahawa faktor-faktor legislatif, isu sosial-politik dalaman, peluang pendidikan dan tawaran / tarikan negara luar juga memainkan peranan utama dalam hal ini. Maka dengan ini Dewan hendaklah mengambil ketetapan untuk meminta Kerajaan agar dapat menubuhkan satu badan khas bagi mengkaji masalah-masalah yang dibangkitkan di atas, dengan tujuan untuk meminda mana-mana akta dan polisi yang dianggap mendiskriminasikan satu-satu pihak serta menambah baik mana-mana akta dan polisi agar sumber tenaga yang sedia ada dapat dipertahankan sementara usaha untuk menarik balik mereka yang telah berhijrah diperhebatkan."

**(Perdana Menteri)**

7. PR-1243-U45139  
**Datuk Dr. Marcus Mojigoh [ Putatan ]** akan mencadangkan:-

"Bahawa Dewan ini mengambil maklum bahawa di negeri Sabah, terdapat ramai kanak-kanak jalanan, gelandangan dan pengemis yang tinggal di bawah jambatan, bangunan terbiar dan tempat awam. Dan mengambil maklum bahawa terdapat juga di antara mereka ini adalah dari kalangan warga asing dan tidak mempunyai dokumen pengenalan diri. Dan mengambil maklum bahawa, kebanyakan mereka ini berkeliaran di bandar-bandar utama yang juga menjadi tempat tumpuan para pelancong. Nyata sekali, senario ini akan memberikan gambaran negatif kepada negara di kaca mata para pengunjung ini. Dan mengambil maklum bahawa, walaupun pihak-pihak tertentu telah pun mengambil tindakan untuk menangani masalah ini, namun ianya masih berlaku kerana tidak ada usaha bersepadu daripada semua agensi yang terlibat.

Maka dengan ini Dewan hendaklah mengambil ketetapan untuk meminta Kerajaan, untuk menubuhkan satu badan khas untuk menangani masalah ini, di mana semua agensi yang berwajib hendaklah dimasukkan dalam badan khas ini supaya semua isu berkaitan dapat ditangani dengan sekali gus."

**(Menteri Pembangunan Wanita, Keluarga dan Masyarakat)**

8. PR-1243-U45140

**Datuk Dr. Marcus Mojigoh [ Putatan ]** akan mencadangkan:-

"Bahawa Dewan ini mengambil maklum bahawa usaha pihak syarikat penyiaran swasta, Astro untuk menyiarkan program berteraskan pendidikan, terutama sekali rancangan khas bagi calon UPSR, PMR dan SPM, amatlah disanjung tinggi. Dan mengambil maklum bahawa selain siaran program-program di atas, pihak Astro juga boleh memainkan peranan mereka dalam menyiarkan program-program yang berasaskan informasi mengenai dengan polisi dan perkhidmatan Kerajaan, misalnya, jenis-jenis bantuan, kemudahan, pinjaman, biasiswa dan program peningkatan ekonomi serta kemasyarakatan yang disediakan oleh Kerajaan. Maka dengan ini Dewan hendaklah mengambil ketetapan untuk meminta Kerajaan untuk meminda mana-mana polisi dan peraturan sedia ada untuk meminta mana-mana syarikat penyiaran swasta untuk menyiarkan maklumat yang dimaksudkan di atas di bawah program kemasyarakatan (CSR) mereka."

**(Menteri Penerangan, Komunikasi dan Kebudayaan)**

9. PR-1243-U45141

**Datuk Dr. Marcus Mojigoh [ Putatan ]** akan mencadangkan:-

"Bahawa Dewan ini mengambil maklum bahawa membangunkan modal insan negara ini tidak boleh dipikul dan dimainkan oleh Kerajaan sahaja. Dan mengambil maklum bahawa pihak swasta dan badan-badan keagamaan juga memainkan peranan yang penting untuk membangunkan modal insan negara yang bermoral dan berbudi bahasa. Dan mengambil maklum bahawa, kebanyakan badan-badan keagamaan ini beroperasi dengan dana yang terhad sama ada ianya disumbangkan oleh ahli-ahlinya atau sumbangan orang ramai. Dan mengambil maklum juga bahawa peranan badan-badan sukarela ini dapat dimantapkan lagi sekiranya mereka mempunyai sumber kewangan yang kekal dan tetap. Maka dengan ini Dewan hendaklah mengambil ketetapan untuk meminta Kerajaan supaya Kerajaan menyediakan satu dana dengan butiran khas dalam belanjawan negara bagi membantu badan-badan keagamaan dan bukan Kerajaan ini untuk membiayai aktiviti pembangunan modal insan mereka."

**(Perdana Menteri)**

10. PR-1243-U45143  
**Datuk Dr. Marcus Mojigoh [ Putatan ]** akan mencadangkan:-

"Bahawa Dewan ini mengambil maklum bahawa belia hari ini adalah pemimpin hari esok. Dan mengambil maklum bahawa golongan belia mempunyai cita rasa yang berbeza daripada golongan dewasa. Dan mengambil maklum bahawa, golongan belia hari ini masih lagi menganggap bahawa mereka diperintahkan untuk menerima apa jua polisi dan usul Kerajaan mengenai dengan perihal mereka. Dan mengambil maklum juga bahawa dengan adanya sistem komunikasi alaf baru, mereka lebih gemar meluahkan pendapat dan isi hati mereka melalui media baru, misalnya melalui Facebook dan Twitter. Dan mengambil maklum juga, bahawa usaha Kerajaan untuk menubuhkan Parlimen Belia adalah usaha murni untuk mendekati golongan belia. Walau bagaimanapun, golongan belia juga haruslah diberikan ruang untuk menyatakan isi hati mereka termasuklah rasa patriotisme mereka kepada negara. Maka dengan ini Dewan hendaklah mengambil ketetapan untuk meminta Kerajaan untuk menubuhkan satu badan khas dari kalangan belia itu sendiri, bagi mendengar dan menangani keluhan dan rintihan golongan belia ini agar mereka juga dapat menyumbang dalam membangunkan negara ini."

**(Menteri Belia dan Sukan)**

11. PR-1243-U45144  
**Datuk Dr. Marcus Mojigoh [ Putatan ]** akan mencadangkan:-

"Bahawa Dewan ini mengambil maklum bahawa konsep 1Malaysia yang diperkenalkan oleh YAB Perdana Menteri adalah satu model perpaduan yang terbaik bagi negara ini dan disanjung tinggi oleh negara-negara lain. Dan mengambil maklum penerapan teras-teras perpaduan yang terkandung dalam konsep 1Malaysia adalah amat penting bagi pembangunan negara untuk menjadi negara maju pada tahun 2020. Dan mengambil maklum bahawa konsep penerimaan 1Malaysia yang menekankan sikap penerimaan di kalangan rakyat berbilang kaum di mana satu kaum menerima keunikan kaum yang lain seadanya agar dapat kita hidup bersama dalam keadaan saling menghormati sebagai rakyat dalam satu negara adalah merupakan satu kenyataan yang harus diterima oleh semua rakyat Malaysia. Dan mengambil maklum juga bahawa konsep 1Malaysia juga menekan amalan hormat-menghormati antara semua kaum termasuk menghormati adat resam serta budaya kaum lain. Rasa hormat ini juga menuntut kita tidak mengeluarkan kata-kata kesat tentang kaum lain dan juga tidak mempersoalkan peruntukan-peruntukan undang-undang yang menyentuh sensitiviti kaum. Namun demikian, masih terdapat suara-suara lantang yang memperkecil-kecilkan peranan kaum-kaum tertentu dalam pembangunan negara. Terdapat juga suara hasutan untuk meminggirkan dan mendiskriminasikan kaum-kaum ini."

Maka dengan ini Dewan hendaklah mengambil ketetapan untuk meminta Kerajaan untuk meminda mana-mana undang-undang sedia ada untuk menghukum mereka yang menyuarakan suara-suara hasutan ini, agar konsep 1Malaysia, rakyat didahulukan, pencapaian diutamakan dapat dimartabatkan dan di perkasa lagi."

**(Menteri Dalam Negeri)**

12. PR-1243-U45146

**Datuk Dr. Marcus Mojigoh [ Putatan ]** akan mencadangkan:-

"Bahawa Dewan ini mengambil maklum bahawa kebanyakan urusan utama masih dijalankan di Kuala Lumpur. Dan mengambil maklum, urusan utama ini menghendaki dan memastikan rakyat dari negeri Sabah dan Sarawak untuk datang sendiri ke Kuala Lumpur untuk berurusan. Dan mengambil maklum bahawa urusan seperti ini mendatangkan bebanan kewangan kepada rakyat di kedua-dua negeri ini. Dan mengambil maklum juga bahawa Kerajaan pimpinan YAB Perdana Menteri sentiasa mendahulukan rakyat. Maka dengan ini Dewan hendaklah mengambil ketetapan untuk meminta Kerajaan untuk menubuhkan "2nd Capital" di Wilayah Persekutuan Labuan demi untuk memudahkan rakyat Sabah dan Sarawak untuk berurusan selain dapat memartabatkan lagi Labuan sebagai Pusat Kewangan Pesisir Pantai Antarabangsa."

**(Menteri Wilayah Persekutuan dan Kesejahteraan Bandar)**

13. PR-1243-U46173

**Dr. Tan Seng Giaw [ Kepong ]** akan mencadangkan:-

"Bahawa Dewan ini membahaskan Transit Laju Massa (Mass Rapid Transit, MRT) di Lembah Klang daripada pelbagai segi termasuk syarikat berkaitan dengan Kerajaan, kontraktor, jenis kenderaan dan jumlah wang yang diperlukan. Dewan juga hendak membincangkan integriti orang-orang yang terlibat."

**(Perdana Menteri)**

14. PR-1243-U46175

**Dr. Tan Seng Giaw [ Kepong ]** akan mencadangkan:-

"Bahawa Dewan ini mendebatkan tahap pencapaian 20 buah universiti awam di negara ini termasuk kedudukan di QS World Universities Rankings. Dewan ini juga membicarakan sebab-musabab Universiti Malaya boleh mencapai tahap lebih baik di QS Rankings berbanding dengan universiti berstatus Apex USM yang rankingnya merosot."

**(Menteri Pengajian Tinggi)**

15. PR-1243-U46970

**Puan Teresa Kok Suh Sim [ Seputeh ]** akan mencadangkan:-

"Bahawa Dewan ini mengambil keputusan untuk mengembalikan Akta Perkhidmatan Parlimen yang telah dimansuhkan pada tahun 1993 sebagai langkah untuk menjadikan Parlimen Malaysia sebagai Parlimen Dunia Pertama."

**(Perdana Menteri)**

16. PR-1243-U46973

**Puan Teresa Kok Suh Sim [ Seputeh ]** akan mencadangkan:-

"Bahawa Dewan ini menyokong cadangan Suruhanjaya DiRaja Pembaikan Perjalanan dan Pengurusan PDRM dan YAB Perdana Menteri untuk menubuhkan Suruhanjaya Bebas dan Salah Laku Polis (IPCMC)."

**(Menteri Dalam Negeri)**

17. PR-1243-U45148

**Datuk Eric Enchin Majimbun [ Sepanggar ]** akan mencadangkan:-

"Bahawa Dewan ini membincang dan menetapkan kedudukan rakyat-rakyat asing yang memegang dokumen IMM 13 supaya kedudukan mereka yang mendapat perlindungan Kerajaan Malaysia boleh dipastikan kewarganegaraan mereka. Difahami bahawa pada ketika ini masih ramai sanak saudara pemegang dokumen IMM 13 dari negara jiran masih mempunyai hubungan persaudaraan di antara mereka, maka perkara ini sangat membimbangkan di mana pengeluaran dokumen IMM 13 perlu diambil perhatian serius untuk dipantau dan disekat."

**(Perdana Menteri)**

18. PR-1243-U45152

**Datuk Eric Enchin Majimbun [ Sepanggar ]** akan mencadangkan:-

"Bahawa Dewan ini membincang dan menetapkan penggunaan dakwat kekal sewaktu pilihan raya umum ke-13. Cadangan penggunaan biometrik adalah tidak sesuai memandangkan masih banyak kawasan-kawasan pedalaman di Sabah dan Sarawak yang sukar mendapatkan kemudahan bekalan elektrik dan internet. Penggunaan dakwat kekal akan memastikan agar pengundi-pengundi mendapat kepastian, perlindungan hak dan maruah mereka terpelihara."

**(Perdana Menteri)**

19. PR-1243-U45160

**Datuk Eric Enchin Majimbun [ Sepanggar ]** akan mencadangkan:-

"Bahawa Dewan ini membincang dengan seriusnya mengenai kedudukan anak-anak yang dilahirkan dalam perkahwinan campur dari suku kaum bumiputera dengan rakyat tempatan dari kaum-kaum lain khasnya di Sabah. Penggunaan perkataan Sino-Natif sebagai suku kaum adalah tidak tepat di mana sino digunakan bagi keturunan Cina dan natif sebagai keturunan bumiputera yang sesungguhnya bukan suku kaum. Jabatan Pendaftaran Negara yang mengeluarkan sijil kelahiran dan kematian di Sabah seharusnya mengekalkan perkataan Sino-Bajau, Sino-Melayu, Sino-Dusun dan sebagainya untuk menentukan bangsa sebenar seseorang itu seperti mana diguna pakai selama ini, sebelum menukarnya kepada Sino-Natif sekarang ini."

**(Menteri Dalam Negeri)**

20. PR-1243-U45105

**Tuan Fong Kui Lun [ Bukit Bintang ]** akan mencadangkan:-

"Bahawa Dewan ini mengambil langkah-langkah yang perlu untuk menjalin gabungan konsep 1Malaysia Bangsa Malaysia dan Malaysian Malaysia bagi memperkukuhkan hubungan antara kaum di Malaysia memandangkan perhubungan tersebut sudah mencapai tahap merentas kaum dan budaya."

**(Perdana Menteri)**

21. PR-1243-U45108

**Tuan Fong Kui Lun [ Bukit Bintang ]** akan mencadangkan:-

"Bahawa Dewan ini membuat ketetapan untuk mengekalkan ciri asal bangunan-bangunan lama di Bandaraya Kuala Lumpur sebagai bangunan warisan dan mengambil tempat di tapak asal."

**(Menteri Penerangan, Komunikasi dan Kebudayaan)**

22. PR-1243-U45111

**Tuan Fong Kui Lun [ Bukit Bintang ]** akan mencadangkan:-

"Mendesak Kerajaan dan SPAD mengekalkan bangunan-bangunan asal pemilik persendirian yang telah berusia berdekad-dekad di Jalan Sultan Kuala Lumpur sewaktu pelaksanaan pembinaan jajaran bawah tanah projek MRT antara Sungai Buloh ke Kajang yang mana pada peringkat sekarang PTG WPKL telahewartakan pengambilan tanah-tanah tersebut yang akan menyebabkan bangunan-bangunan lama dirobohkan sedangkan jajaran MRT itu akan dibina di bawah tanah dan tiada kaitan dengan bangunan lama."

Langkah Prasarana Negara lebih terdorong dengan konsep pembinaan rel bersama harta dengan mengambil kesempatan mengambil tanah tersebut atas nama pembangunan. Cadangan pemindahan sementara pemilik dan penghuni sewaktu projek berjalan dan mereka dibenarkan balik semula ke premis masing-masing setelah projek siap dengan syarat-syarat yang dipersetujui bersama, hendaklah diperkenalkan".

**(Menteri Kewangan)**

23. PR-1243-U46685  
**Tuan Kulasegaran A/L Murugeson [ Ipoh Barat ]** akan mencadangkan:-

"Bahawa Dewan Parlimen hendaklah mengambil maklum dan mengarah Menteri Dalam Negeri menerangkan kenapa lebih dari 1.5 juta pekerja asing bekerja tanpa sah di Malaysia. Apakah tindakan susulan yang akan diambil terhadap pekerja-pekerja ini."

**(Menteri Dalam Negeri)**

24. PR-1243-U46689  
**Tuan Kulasegaran A/L Murugeson [ Ipoh Barat ]** akan mencadangkan:-

"Bahawa Dewan Parlimen hendaklah mengambil maklum dan mengarah untuk meminta Menteri Pendidikan mengkaji untuk membina satu sekolah baru Cina di Bercham, Ipoh kerana Sekolah Cina semasa yang terbesar di Perak mempunyai ramai murid dan penuh sesak buat masa ini dan juga di kawasan Bercham itu mempunyai tanah rizab lebih kurang 6 ekar untuk pembinaan sekolah tersebut."

**(Menteri Pelajaran)**

25. PR-1243-U45876  
**Tuan Mohsin Fadzli bin Haji Samsuri [ Bagan Serai ]** akan mencadangkan:-

"Bahawa Dewan ini menggesa Kementerian Kewangan mengkaji semula kadar bayaran insurans ke atas kenderaan motorsikal yang sedia ada bagi meringankan lagi beban hidup masyarakat terutamanya di luar bandar."

**(Menteri Kewangan)**



26. PR-1243-U45878  
**Tuan Mohsin Fadzli bin Haji Samsuri [ Bagan Serai ]** akan mencadangkan:-

"Bahawa Dewan ini minta PUSPAKOM memanjangkan hayat pemeriksaan kenderaan dari 6 bulan ke 12 bulan."

**(Menteri Pengangkutan)**

27. PR-1243-U45880  
**Tuan Mohsin Fadzli bin Haji Samsuri [ Bagan Serai ]** akan mencadangkan:-

"Bahawa Dewan ini menggesa Kementerian Perumahan dan Kerajaan Tempatan mengkaji semula dasar Pasar Larut Malam dan lain aktiviti dalam usaha mengekalkan keperluan tubuh manusia yang memerlukan waktu malam untuk beristirahat dan siang bekerja."

**(Menteri Perumahan dan Kerajaan Tempatan)**

28. PR-1243-U45882  
**Tuan Mohsin Fadzli bin Haji Samsuri [ Bagan Serai ]** akan mencadangkan:-

"Bahawa Dewan ini menggesa Kementerian Perdagangan Dalam Negeri , Koperasi dan Kepenggunaan mengadakan satu mekanisme untuk menghalang warga bukan negara menikmati subsidi ke atas barangan seperti beras, gula, minyak masak dan bahan api."

**(Menteri Perdagangan Dalam Negeri, Koperasi dan Kepenggunaan)**

29. PR-1243-U45885  
**Tuan Mohsin Fadzli bin Haji Samsuri [ Bagan Serai ]** akan mencadangkan:-

"Bahawa Dewan ini meminta pihak pengendali Touch & GO mengadakan lorong tambah nilai di laluan Plaza TOL bagi kemudahan pengguna tanpa ke pejabat atau agen stesen minyak. Melalui agen dikenakan caj 50 sen bagi setiap top-up manakala di pejabat pula menyusahkan pengguna."

**(Menteri Kerja Raya)**

30. PR-1243-U46437

**Tuan Chua Tian Chang [ Batu ]** akan mencadangkan:-

"Bahawa Dewan ini mendesak Menteri Wilayah Persekutuan dan Kesejahteraan Bandar, Dato' Raja Nong Chik sebagai Menteri yang berhemah harus mengagihkan peruntukan-peruntukan Kementerian secara adil kepada seluruh Kawasan Parlimen Wilayah Persekutuan termasuk Labuan bahkan membasmi kemiskinan bandar. Menteri tidak harus menumpukan peruntukan Kementerian di kawasan Parlimen Lembah Pantai sahaja untuk tujuan politik sendiri. Saya juga mendesak Kementerian menetapkan suatu nisbah penduduk untuk pengagihan peruntukan kepada seluruh kawasan Wilayah Persekutuan."

**(Menteri Wilayah Persekutuan dan Kesejahteraan Bandar)**

31. PR-1243-U46962

**Tuan John A/L Fernandez [ Seremban ]** akan mencadangkan:-

"Bahawa Dewan ini membahaskan agar undang-undang digubal untuk membenarkan golongan "transgender" menukar jantina mereka secara sah dan nama serta jantina mereka dapat ditukar di dalam Kad Pengenalan secara sah untuk mengurangkan tekanan yang dialami oleh mereka".

**(Menteri Dalam Negeri)**

32. PR-1243-U46972

**Tuan John A/L Fernandez [ Seremban ]** akan mencadangkan:-

"Bahawa Dewan ini membahaskan supaya Ordinan Darurat (Ketenteraman Awam dan Mencegah Jenayah) dapat dipinda untuk memastikan budak-budak remaja (bawah 21 tahun) jikalau didapati telah melakukan jenayah dihadapkan ke Mahkamah untuk dibicarakan dan bukannya ditahan di pusat tahanan di bawah Ordinan Darurat. Ini adalah kerana budak-budak remaja dalam usia ini biasanya masih belajar atau bersekolah dan jikalau ditahan di Pusat Tahanan di bawah Ordinan Darurat masa depan mereka akan terjejas dan hak asasi mereka diabaikan".

**(Menteri Dalam Negeri)**

33. PR-1243-U46974

**Tuan John A/L Fernandez [ Seremban ]** akan mencadangkan:-

"Bahawa Dewan ini membincangkan agar Kerajaan mengkaji semula kemasukan pendatang asing yang terlalu ramai ke negara ini yang boleh menggugat keselamatan negara dan mendatangkan masalah sosial di kalangan warganegara Malaysia".

**(Menteri Dalam Negeri)**

34. PR-1243-U46979  
**Tuan John A/L Fernandez [ Seremban ]** akan mencadangkan:-  
"Bahawa Dewan ini dapat mengambil keputusan supaya satu undang-undang dapat digubal untuk memastikan keluarga mereka yang menukar agama wajib diberitahu mengenai pertukaran agama ini bagi mengelakkan masalah perebutan jenazah apabila mereka menukar agama dan meninggal dunia".  
**(Perdana Menteri)**
35. PR-1243-U46981  
**Tuan John A/L Fernandez [ Seremban ]** akan mencadangkan:-  
"Bahawa Dewan ini dapat mendesak agar Kerajaan dapat mewajibkan supaya Bahasa Tamil juga digunakan sebagai salah satu bahasa di Lapangan Terbang Antarabangsa Kuala Lumpur dan LCCT semasa membuat sebarang pengumuman".  
**(Menteri Pengangkutan)**
36. PR-1243-U46983  
**Tuan John A/L Fernandez [ Seremban ]** akan mencadangkan:-  
"Bahawa Dewan ini dapat mengambil keputusan untuk mengadakan bentuk pengawalan harga rumah yang semakin lama semakin melambung terlalu tinggi dan menyukarkan rakyat untuk memiliki rumah sendiri".  
**(Menteri Perumahan dan Kerajaan Tempatan)**
37. PR-1243-U46984  
**Tuan John A/L Fernandez [ Seremban ]** akan mencadangkan:-  
"Bahawa Dewan ini dapat mengambil keputusan untuk menyediakan tapak seperti stadium bagi mereka yang ingin membuat perhimpunan secara aman bagi mengelakkan jalan raya digunakan untuk membuat perhimpunan".  
**(Menteri Dalam Negeri)**
38. PR-1243-U46986  
**Tuan John A/L Fernandez [ Seremban ]** akan mencadangkan:-  
"Bahawa Dewan ini dapat mengambil keputusan untuk mewajibkan setiap laman web rasmi Kerajaan dan mesin ATM di bank-bank tempatan menggunakan Bahasa Tamil selain dari Bahasa Malaysia, Inggeris dan Cina".  
**(Menteri Kewangan)**

39. PR-1243-U46987

**Tuan John A/L Fernandez [ Seremban ]** akan mencadangkan:-

"Bahawa Dewan ini dapat mencadangkan supaya rancangan berbahasa Tamil di RTM ditambah masanya memandangkan kebelakangan ini rancangan berbahasa Tamil semakin berkurangan di RTM".

**(Menteri Penerangan, Komunikasi dan Kebudayaan)**

40. PR-1243-U46988

**Tuan John A/L Fernandez [ Seremban ]** akan mencadangkan:-

"Bahawa Dewan ini dapat mencadangkan supaya setiap bilik siasatan di Balai Polis dilengkapi dengan CCTV seperti yang disediakan oleh Suruhanjaya Pencegah Rasuah (SPRM) kini, memandangkan terdapat banyak kes penyalahgunaan kuasa, penderaan dan kematian semasa suspek berada di dalam tahanan".

**(Menteri Dalam Negeri)**

41. PR-1243-U46990

**Tuan John A/L Fernandez [ Seremban ]** akan mencadangkan:-

"Bahawa Dewan ini dapat membahaskan garis-garis panduan keselamatan yang wajib dipatuhi oleh sukarelawan yang bertugas di negara-negara bergolak untuk mengelakkan perkara yang berlaku kepada jurukamera Bernama TV Allahyarham Noramfaizul Mohd Nor yang ditembak mati di Somalia tidak berulang lagi".

**(Menteri Penerangan, Komunikasi dan Kebudayaan)**

42. PR-1243-U46283

**Tuan Liew Chin Tong [ Bukit Bendera ]** akan mencadangkan:-

"Bahawa dewan ini menyokong cadangan menetapkan sebarang pembelian aset atau sistem pertahanan yang melebihi 100 juta oleh MINDEF, mesti dibawa ke Parlimen dibahas dan diaudit oleh Jabatan Audit Negara untuk syarat meneruskan pembelian ini. Ini juga bertujuan untuk mempertingkatkan integriti dan keberkesanan pembelian sistem pertahanan. Ini adalah diakibatkan oleh pembelian Jet Sukhoi dan Kapal Selam Scorpene telah menimbulkan banyak persepsi negatif terhadap negara."

**(Menteri Pertahanan)**

43. PR-1243-U46713

**Tuan Gwo-Burne Loh [ Kelana Jaya ]** akan mencadangkan:-

"Bahawa Dewan ini mengambil maklum bahawa Kerajaan Malaysia sebagai anggota Majlis Hak Asasi Manusia Bangsa-Bangsa Bersatu dalam menguatkuasakan Resolusi 62/149 Bangsa-bangsa Bersatu mengenai Moratorium terhadap Hukuman Mati yang telah dikuatkuasakan oleh Perhimpunan Agung Bangsa-bangsa Bersatu pada 18 Disember 2007, di mana negara-negara yang masih mengamalkan hukuman mati diminta untuk menghentikan penggunaan hukuman mati dan mengurangkan jumlah hukuman-hukuman yang membawa hukuman mati secara berperingkat dan melaksanakan moratorium terhadap kesemua hukuman-hukuman mati dengan hasrat untuk menghapuskan hukuman ini sama sekali.

Maka dengan ini Dewan hendaklah mengambil ketetapan untuk meminta Kerajaan melalui Kementerian Luar untuk membantu mematuhi Moratorium tersebut dan meminda undang-undang yang bercanggah dengan Moratorium tersebut."

**(Menteri Luar Negeri)**

44. PR-1243-U46715

**Tuan Gwo-Burne Loh [ Kelana Jaya ]** akan mencadangkan:-

"Bahawa Dewan ini menubuhkan sebuah Suruhanjaya DiRaja Siasatan Kes Kematian Tujuh Warga Pekerja Asing pada hujung Mei 2009 akibat kerja perobohan Jaya Supermarket, Petaling Jaya. Daripada siasatan yang dijalankan, kerja perobohan tersebut tidak mendapat kelulusan Jabatan Keselamatan dan Kesihatan Pekerjaan (DOSH)."

**(Menteri Sumber Manusia)**

45. PR-1243-U46716

**Tuan Gwo-Burne Loh [ Kelana Jaya ]** akan mencadangkan:-

"Bahawa Dewan ini mendesak Suruhanjaya Integriti Agensi Penguatkuasaan (SIAP) menjalankan siasatan ke atas kematian Adik Aminulrasyid yang ditembak mati oleh anggota polis. Dewan juga mendesak mengenai pelantikan panel khas di dalam siasatan kes ini. Polis didakwa menyalahgunakan senjata api sehingga menyebabkan Aminulrasyid terbunuh oleh polis. Daripada siasatan dan perbicaraan yang dijalankan, banyak pihak tidak berpuas hati dengan perjalanannya dan diharap agar suruhanjaya ini mampu untuk menjawab pelbagai spekulasi."

**(Perdana Menteri)**

46. PR-1243-U47021

**Datuk Chua Soon Bui [ Tawau ]** akan mencadangkan:-

"Bahawa Dewan ini membincangkan secara bersungguh-sungguh bagaimana dapat merektifikasikan masalah gangguan perkhidmatan pembekal-pembekal Internet yang kerap berlaku di Sabah, terutama sekali di Tawau yang seterusnya membawa kesan negatif pada transaksi perniagaan, pembekal-pembekal perkhidmatan siber lain, keganguan kepada pengguna-pengguna Internet, penyampaian berita oleh media massa, masalah-masalah pendidikan pelajar-pelajar dan yang teruk sekali, kerugian kewangan dan perniagaan bagi rakyat Sabah. Rakyat sudah tidak sabar lagi dan mereka minta penjelasan mengapa Sabah diberi perkhidmatan kelas ketiga atau tidak ada perkhidmatan sama sekali, walaupun mereka juga membayar fi yang sama seperti rakyat di Semenanjung Malaysia."

**(Menteri Penerangan, Komunikasi dan Kebudayaan)**

47. PR-1243-U47022

**Datuk Chua Soon Bui [ Tawau ]** akan mencadangkan:-

"Bahawa Dewan ini membincang secara bersungguh-sungguh bagaimana dapat merektifikasikan penderitaan peladang-peladang dan pekebun-pekebun kecil di Sabah yang telah membayar 7.5% CESS kelapa sawit, cukai untung runtuh dan cukai Kerajaan, tetapi tidak ada mana-mana pihak Kerajaan yang tampil ke hadapan untuk memperbaiki atau menyelenggarakan jalan-jalan awam yang menuju ke ladang-ladang atau kebun-kebun kecil mereka. Mereka telah diabaikan sama sekali dan mereka terus menderita, kecewa dan tanpa sebarang suara, selama bertahun-tahun terutama sekali atas kerugian kewangan besar yang dialami bila buah sawit mereka tidak dapat diangkut keluar dari lading-ladang mereka. Mereka minta penjelasan mengapa tidak ada mana-mana pihak berkuasa yang memperbaiki jalan-jalan itu sedangkan mereka membayar cukai yang tinggi kepada Kerajaan."

**(Menteri Perusahaan Perladangan dan Komoditi)**

48. PR-1243-U47023

**Datuk Chua Soon Bui [ Tawau ]** akan mencadangkan:-

"Bahawa Dewan ini mengambil ketetapan mendesak Kerajaan supaya mengambil tindakan tegas tentang pengemis-pengemis kanak-kanak yang memeralatkan bayi-bayi yang tidak berpakaian atau mengheretkan bayi-bayi itu di tempat-tempat awam di Tawau, supaya mencari simpati dan meminta sedekah daripada orang ramai. Sudah lama kejadian sedemikian itu berlaku dan sudah ada kes-kes sedemikian yang dilaporkan kepada jabatan kebajikan masyarakat dan pihak polis, namun tiada sebarang tindakan diambil."

Kes-kes sedemikian itu mungkin melibatkan sindiket-sindiket dan mungkin akan menyebabkan peningkatan bilangan pengemis-pengemis kanak-kanak jalan secara mendadak atau menimbulkan masalah sosial lain jika ia dibiarkan berlaku sahaja."

**(Menteri Pembangunan Wanita, Keluarga dan Masyarakat)**

49. PR-1243-U47024

**Datuk Chua Soon Bui [ Tawau ]** akan mencadangkan:-

"Bahawa Dewan ini mengambil ketetapan mendesak Kerajaan supaya mengambil tindakan serius dan segera, juga memberi penjelasan kepada rakyat di Tawau mengapa mereka masih dilayani sebagai warga-warga Malaysia kelas ketiga sahaja, mereka terus menderita kerana gangguan bekalan kuasa elektrik dan air terutama sekali semasa musim perayaan Hari Raya Aidilfitri."

**(Menteri Tenaga, Teknologi Hijau dan Air)**

50. PR-1243-U47025

**Datuk Chua Soon Bui [ Tawau ]** akan mencadangkan:-

"Bahawa Dewan ini mengambil ketetapan mendesak Kerajaan supaya menyemak semula Akta Pembangunan Petroleum (Akta 14) agar dapat memberi ketelusan dan akauntabiliti kepada negeri-negeri pengeluar minyak terutama sekali Sabah."

**(Perdana Menteri)**

51. PR-1243-U47114

**Dato' Zulkifli bin Noordin [ Kulim Bandar Baru ]** akan mencadangkan:-

"Bahawa Dewan ini mengambil ketetapan agar Kerajaan mengambil langkah supaya Jadual 9 Senarai 2 (1) Perlembagaan Persekutuan dipinda dengan membuang perkataan seperti berikut:- '...tetapi tidak mempunyai bidangkuasa mengenai kesalahan-kesalahan kecuai setakat yang diberi oleh undang-undang persekutuan...' dan diganti dengan perkataan berikut; 'dan mempunyai bidangkuasa mengenai apa-apa jua kesalahan jenayah syarie dan lain-lain yang ditetapkan atau diperuntukkan di dalam dan menurut hukum syara' dan undang-undang Islam (termasuk hudud, qisas dan ta'zir) termasuk membicarakan, memutuskan dan menghukum mana-mana orang Islam yang berkenaan menurut sabitan dan hukuman yang ditetapkan oleh hukum syara' dan undang-undang Islam serta melaksana dan menguatkuasakan apa jua hukuman dan/ atau perintah yang dikeluarkannya'. Dan proviso kepada Seksyen 2,

Akta Mahkamah Syariah (Bidangkuasa Jenayah) 1965 (Akta 355) hendaklah dipinda bersesuaian dengan pindaan kepada Jadual 9 Senarai 2 (1) Perlembagaan Persekutuan seperti yang dinyatakan diatas dan hendaklah berbunyi seperti berikut: Mahkamah Syariah tersebut hendaklah mempunyai bidangkuasa mengenai apa-apa jua kesalahan jenayah syarie dan lain-lain yang ditetapkan atau diperuntukkan didalam dan menurut hukum syara' dan undang-undang Islam (termasuk hudud, qisas dan ta'zir) termasuk membicarakan, memutuskan dan menghukum mana-mana orang Islam yang berkenaan menurut sabitan dan hukuman yang ditetapkan oleh hukum syara' dan undang-undang Islam serta melaksana dan menguatkuasakan apa jua hukuman dan/ atau perintah yang dikeluarkannya. Bahawa Dewan ini mengambil maklum umat Islam wajib melaksanakan syariat Islam termasuk undang-undang jenayahnya seperti hudud, qisas dan ta'zir tanpa sebarang pengubahsuaian dan pindaan seperti yang berlaku sekarang dan Dewan mengambil maklum bahawa kegagalan melaksanakan system perundangan Islam sepenuhnya ini akan boleh membatalkan aqidah umat Islam”

**(Perdana Menteri)**

52. PR-1243-U47115

**Dato' Zulkifli bin Noordin [ Kulim Bandar Baru ]** akan mencadangkan:-

“Bahawa Dewan ini mengambil ketetapan agar Kerajaan Persekutuan mengambil langkah supaya Artikel 4 Perlembagaan Persekutuan dipinda dengan menambah perkataan seperti berikut (seperti yang dihitamkan): ‘Perlembagaan ini adalah undang-undang utama Persekutuan dan, kecuali undang-undang dan syariat Islam, apa-apa undang-undang yang diluluskan berlawanan dengan Perlembagaan ini dan undang-undang Islam atau hukum syara' hendaklah terbatal setakat ianya berlawanan itu’. Bahawa Dewan mengambil maklum bahawa banyak keadaan di mana hukum syara' dan syariat Islam telah terbatal dan atau tidak dapat dilaksanakan kerana Artikel 4 Perlembagaan Persekutuan ini yang meletakkan undang-undang negara mengatasi semua undang-undang dan peraturan lain termasuk undang-undang serta syariat Islam seperti pengharaman pemakaian serban di sekolah-sekolah kebangsaan, pemakaian purdah dan jilbab di jabatan-jabatan kerajaan, pelaksanaan undang-undang syarak seperti khalwat, zina, qazaf yang bercanggah dengan hukum syara' dan lain-lain”.

**(Perdana Menteri)**



53. PR-1243-U47116  
**Dato' Zulkifli bin Noordin [ Kulim Bandar Baru ]** akan mencadangkan:-

“Bahawa Dewan ini mengambil ketetapan agar Kerajaan Persekutuan mengambil langkah segera untuk mengesahkan dan mengisytiharkan bahawa Malaysia bukan negara sekular seperti India sebaliknya sebuah negara yang mengamalkan dwi-sistem (sistem perundangan hybrid) iaitu dengan meminda Artikel 3 Perlembagaan Persekutuan dengan menambah perkataan seperti berikut (seperti yang dihitamkan): ‘Islam adalah agama bagi Persekutuan termasuk dari segi undang-undang dan syariatnya’. Bahawa Dewan mengambil maklum bahawa keputusan Mahkamah di dalam kes Che Omar Che Soh v. Pendakwaraya dan Jamaluddin Osman v. Menteri Dalam Negeri telah banyak diputarbelit dan disalahtafsir oleh golongan tertentu untuk memberi gambaran kononnya Malaysia adalah negara sekular sedangkan hakikatnya Malaysia bukanlah negara sekular sebaliknya negara yang meletakkan Islam sebagai agama bagi Persekutuan, maka dengan pindaan kepada Artikel 3 Perlembagaan Persekutuan seperti yang dicadangkan akan memperjelaskan perihal kedudukan status negara ini tanpa sebarang keraguan lagi”.

**(Perdana Menteri)**

54. PR-1243-U47117  
**Dato' Zulkifli bin Noordin [ Kulim Bandar Baru ]** akan mencadangkan:-

“Bahawa Dewan ini mengambil ketetapan mendesak Menteri di Jabatan Perdana Menteri supaya meminda Akta Mahkamah Keadilan 1964 (Courts of Judicature Act 1964) (Akta 91) dengan memasukkan peruntukkan baru di Seksyen 4 seperti berikut: “Seksyen 4A: Didalam keadaan dimana terdapat isu dan/ atau pertikaian membabitkan dan atau melibatkan agama Islam dari segi aqidah, kepercayaan, hukum-hakam, syariat dan/atau apa juga persoalan mengenai Islam, maka Mahkamah wajiblah merujuk isu, persoalan dan/ atau pertikaian itu kepada Mahkamah Syariah untuk suatu keputusan atau penghakiman; dan semua prosiding hendaklah ditangguhkan sehingga keputusan atau penghakiman Mahkamah Syariah itu dibuat, dan keputusan atau penghakiman Mahkamah Syariah bagi isu, persoalan dan/ atau pertikaian itu hendaklah mengikat Mahkamah tersebut”. Bahawa Dewan menginsafi masalah membabitkan isu, pertikaian atau persoalan mengenai Islam jika diputuskan di Mahkamah sekular berdasarkan undang-undang sivil boleh mencetuskan salah faham dan kekeliruan. Ini berlaku kerana isu dan persoalan membabitkan kefahaman terhadap undang-undang dan syariat Islam dalam konteks syariah dan Islam tidak difahami, dihayati dan diinsafi oleh Mahkamah sekular yang membicara dan memutuskan sesuatu isu tersebut menurut peruntukkan undang-undang sivil yang terbatas dan terhad kepada pembicaraan soal perundangan sekular semata-mata, malahan menolak untuk menerima pakai kefahaman syarie dan Islam.

Sebenarnya inilah yang telah berlaku di dalam kes Maria Hertogh @ Nadrah pada tahun 1950 apabila Mahkamah sivil Singapura yang mengguna pakai undang-undang sivil British menolak untuk menerima pakai undang-undang Islam dan syariatnya dengan menolak aqidah dan keislaman Nadrah dan perkahwinan Nadrah dengan Almarhum Mansor Adabi yang mana menurut undang-undang Islam dan hukum syara' keislaman dan perkahwinan Nadrah adalah sah kerana beliau sudah aqil baligh mengikut hukum syarak dan merupakan seorang mukallaf dan hukum taklif berlaku kepada beliau. Begitu juga di dalam beberapa kes di mana Islam melihat sesuatu isu itu dari segi aqidah, tetapi Mahkamah sekular melihatnya dari sudut istilah dan perundangan sivil. Sekiranya peruntukkan seperti yang dicadangkan di atas ujud, maka Dewan menginsafi bahawa isu ini akan dapat diselesaikan dengan baik menurut peruntukkan undang-undang yang terpakai bagi isu tersebut.

**(Perdana Menteri)**

55. PR-1243-U47118

**Dato' Zulkifli bin Noordin [ Kulim Bandar Baru ]** akan mencadangkan:-

“Bahawa Dewan ini mengambil ketetapan agar Kerajaan Persekutuan mengambil langkah supaya Artikel 11 (1) Perlembagaan Persekutuan dipinda dengan menambah perkataan seperti berikut (seperti yang dihitamkan): ‘Tiap-tiap orang adalah berhak menganuti dan mengamalkan ugamanya, termasuk menukar agamanya kecuali bagi penganut agama Islam yang hendaklah tertakluk kepada undang-undang dan syariat Islam. Bagi maksud penganut agama Islam, soal kemasukan dan kemurtadan dari agama Islam hendaklah ditentukan oleh Mahkamah Syariah yang mempunyai bidangkuasa mutlak keatasnya”. Bahawa Dewan ini mengambil maklum bahawa walaupun Mahkamah Persekutuan di dalam beberapa kes termasuk Azlina Jailani @ Lina Joy v. Majlis Agama Islam Wilayah Persekutuan dan Jabatan Pendaftaran Negara memutuskan bahawa dalam hal ehwal dan permasalahan kemasukan atau kemurtadan daripada Islam hanya Mahkamah Syariah mempunyai bidangkuasa dan Mahkamah sekular tidak boleh mempunyai apa-apa bidangkuasa menurut Artikel 121 (1A), namun masih lagi ada pihak yang mempertikaikan dan membawa kes seumpama ini ke Mahkamah sekular dimana dalam kes melibatkan seorang Punjabi Muslim mayatnya terlantar di Hospital Sg. Buloh, Selangor selama sebulan kerana Mahkamah Sivil masih mahu mendengar kes-kes seumpama ini, sedangkan merupakan fadhu kifayah ke atas umat Islam untuk menyegerakan pengurusan dan pengkebumian jenazah mana-mana orang Islam yang telah meninggal dunia. Dengan adanya peruntukkan seumpama di atas maka isu seperti ini tidak akan berbangkit lagi”.

**(Perdana Menteri)**

56. PR-1243-U47119  
**Dato' Zulkifli bin Noordin [ Kulim Bandar Baru ]** akan mencadangkan:-

“Bahawa Dewan ini membuat ketetapan mendesak supaya Mahkamah sekular yang diwujudkan menurut Artikel 121 Perlembagaan Persekutuan menghormati dan tidak mencampuri hak dan bidangkuasa Mahkamah Syariah yang diperuntukkan menurut Artikel 121 (1A) Perlembagaan termasuk hak dan bidangkuasa mutlak menentukan siapa yang boleh diterima masuk dan didaftarkan sebagai seorang Peguam Syarie. Ini adalah kerana kalau Mahkamah sekular tersebut mencampuri urusan hak dan bidangkuasa Mahkamah Syariah dalam penentuan kemasukan dan pendaftaran peguam syarie, apakah itu bermakna Mahkamah Syariah boleh mencampuri urusan hak dan bidangkuasa Mahkamah sekular untuk penentuan kemasukan dan pendaftaran seseorang peguam sekular di Mahkamah sekular”.

**(Perdana Menteri)**

57. PR-1243-U47120  
**Dato' Zulkifli bin Noordin [ Kulim Bandar Baru ]** akan mencadangkan:-

“Bahawa Dewan ini membuat ketetapan mencadangkan supaya undang-undang yang berkaitan dipinda untuk memberi pilihan dan opsyen kepada mana-mana individu beragama Islam yang dikenakan sebarang pertuduhan jenayah untuk memilih forum perbicaraan di Mahkamah Syariah yang berbidangkuasa berdasarkan peruntukkan undang-undang yang ada di mana-mana Akta atau Enakmen Syariah seperti pertuduhan liwat dan lain-lain. Ini adalah kerana seorang Muslim berhak untuk dibicarakan menurut undang-undang Islam demi menjaga aqidah dan syariat seseorang Muslim itu”.

**(Perdana Menteri)**

58. PR-1243-U47121  
**Dato' Zulkifli bin Noordin [ Kulim Bandar Baru ]** akan mencadangkan:-

“Bahawa Dewan ini membuat ketetapan mencadangkan kepada YAB Perdana Menteri dan Kerajaan Malaysia supaya memberikan anugerah Tokoh Ma'al Hijrah 1433 (Peringkat Antarabangsa) kepada saudara Yusuf Islam @ Cat Steven bagi mengenang jasa saudara Yusuf Islam yang telah memberi sumbangan besar kepada usaha menyebarkan risalah Islam dan kerja-kerja da'wah ke seluruh dunia”.

**(Perdana Menteri)**

59. PR-1243-U47122  
**Dato' Zulkifli bin Noordin [ Kulim Bandar Baru ]** akan mencadangkan:-

“Bahawa Dewan ini membuat ketetapan mencadangkan kepada YAB Perdana Menteri dan Kerajaan Malaysia supaya memberikan anugerah darjah kebesaran yang membawa gelaran Tan Sri secara “post-humous” (dengan izin) kepada Allahyarham Sasterawan Negara Usman Awang bagi mengenang jasa beliau yang besar kepada usaha memartabatkan dan memajukan bahasa Melayu melalui karya-karya besarnya dan lain-lain usaha yang telah Allahyarham lakukan”.

**(Perdana Menteri)**

60. PR-1243-U47123  
**Dato' Zulkifli bin Noordin [ Kulim Bandar Baru ]** akan mencadangkan:-

“Bahawa Dewan ini membuat ketetapan mencadangkan kepada YAB Perdana Menteri, YAB Menteri-Menteri Besar dan Kerajaan Persekutuan serta Kerajaan Negeri supaya melakukan semakan semula senarai penerima anugerah kebesaran persekutuan atau negeri dengan tujuan untuk dilakukan pembersihan termasuk menarik balik dan/ atau membatalkan anugerah dan gelaran yang diberi kepada mereka yang telah dan/ atau pernah disabitkan dengan sebarang kesalahan jenayah dan yang didaftarkan di Pusat Pendaftaran Penjenayah (Criminal Registration Center)”.

**(Perdana Menteri)**

61. PR-1243-U47124  
**Dato' Zulkifli bin Noordin [ Kulim Bandar Baru ]** akan mencadangkan:-

“Bahawa Dewan ini membuat ketetapan mencadangkan supaya satu kajian dibuat dengan tujuan menggubal undang-undang yang bersesuaian untuk memansuhkan keperluan mengadakan pilihanraya kecil bagi kerusi yang kosong atau dikosongkan oleh mana-mana wakil rakyat sama ada di peringkat Parlimen ataupun Dewan Undangan Negeri termasuk kemungkinan memberikan kerusi yang kosong atau dikosongkan itu kepada parti yang telah memenanginya semasa pilihanraya umum untuk menentukan calon yang mengganti dan/ atau mengisi kekosongan tersebut. Ini sekaligus dapat mengelakkan keperluan mengadakan pilihanraya kecil yang melibatkan kos yang tinggi dan menyebabkan masyarakat Malaysia terlibat dengan kegiatan politik tanpa kesudahan”.

**(Perdana Menteri)**

62. PR-1243-U47125  
**Dato' Zulkifli bin Noordin [ Kulim Bandar Baru ]** akan mencadangkan:-

“Bahawa Dewan ini mengambil ketetapan mendesak Kerajaan Persekutuan dengan kerjasama semua Kerajaan Negeri supaya melantik seorang Mufti Negara sebagai Ketua bagi dan dengan kuasa dan autoriti mengatasi kesemua Mufti-Mufti dan menjadi Pengerusi bagi Majlis Fatwa Kebangsaan dengan tanggungjawab dan menjawab hanya kepada Yang DiPertuan Agong dan Majlis Raja-Raja.

Selanjutnya Dewan ini megambil ketetapan mendesak Kerajaan supaya memberi kuasa dan bidangkuasa jelas kepada Majlis Fatwa Kebangsaan untuk menguatkuasa dan melaksanakan fatwa-fatwa yang dikeluarkannya dan mana-mana orang yang mempersoalkan dan/ atau mempertikaikan Fatwa-fatwa tersebut hendaklah dianggap melakukan penghinaan terhadap agama Islam dan diambil tindakan tegas menurut Seksyen 298A Kanun Kesiksaan atau di bawah mana-mana undang-undang (Persekutuan atau Negeri)”.

**(Perdana Menteri)**

63. PR-1243-U47126  
**Dato' Zulkifli bin Noordin [ Kulim Bandar Baru ]** akan mencadangkan:-

“Bahawa Dewan ini mengambil langkah mengiktiraf Palestin sebagai sebuah negara yang berdaulat dan merdeka mengikut persempadanan sebelum tahun 1967 dan menubuhkan sebuah jawatankuasa caucus khusus untuk menangani dan memantau dan mengambil langkah-langkah berkaitan dengan masalah Palestin dan menamakan badan ini sebagai ‘Jawatankuasa Caucus bagi Palestin’ dengan melantik YB Kepala Batas (atau mana-mana Ahli Parlimen yang dipertimbangkan sesuai) sebagai Pengerusi Caucus tersebut dan selanjutnya Dewan ini mendesak Kerajaan Mesir supaya membuka semula pintu Rafah dan memberi kebebasan keluar/ masuk kepada rakyat Palestin dan tidak menghalang sebarang usaha-usaha bantuan kemanusiaan oleh mana-mana pihak; dan juga mendesak rejim zionis Israel supaya segera mengembalikan hak rakyat Palestin dan mengiktiraf Negara Islam Palestin sebagai negara yang merdeka dan berdaulat dan Baitulmaqdis sebagai ibu negeri Negara Islam Palestin”.

**(Perdana Menteri)**

64. PR-1243-U47127  
**Dato' Zulkifli bin Noordin [ Kulim Bandar Baru ]** akan mencadangkan:-

“Bahawa Dewan ini mengambil langkah untuk menubuhkan sebuah Jawatankuasa Khas Kabinet dengan segera khusus untuk menangani dan memantau dan mengambil langkah-langkah bersepadu dan berkesan berkaitan dengan hal ehwal masyarakat India dan penganut agama Hindu dengan tujuan unjuk memantapkan kedudukan ekonomi mereka dan hal masalah peribadatan mereka termasuk penyelenggaraan dan pengurusan kuil-kuil mereka dan menyelesaikan permasalahan kewarganegaraan dan kad pengenalan mereka dan dinamakan sebagai Jawatankuasa Khas Kabinet bagi Hal Ehwal Masyarakat India” dengan melantik Timbalan Perdana Menteri sebagai Pengerusi Jawatankuasa Khas tersebut.

**(Perdana Menteri)**

65. PR-1243-U47128  
**Dato' Zulkifli bin Noordin [ Kulim Bandar Baru ]** akan mencadangkan:-

“Bahawa Dewan ini mengambil ketetapan mendesak Kementerian Pelajaran supaya dengan serta-merta menubuhkan sebuah Majlis Buku Negara dengan peruntukkan yang mencukupi dan segera menggubal Dasar Buku Negara dan Akta Buku serta mengambil semua langkah yang munasabah dan praktikal untuk membantu, menggalakkan, membangunkan dan memajukan industri buku negara. Selanjutnya Dewan juga membuat ketetapan supaya Dasar Buku Negara seperti yang telah dimaktubkan segera dilaksanakan sepenuhnya dan mencapai matlamat yang disasarkan dalam Dasar Buku Negara tersebut”.

**(Menteri Pelajaran)**

66. PR-1243-U47129  
**Dato' Zulkifli bin Noordin [ Kulim Bandar Baru ]** akan mencadangkan:-

“Bahawa Dewan ini mengambil ketetapan mendesak Kerajaan Persekutuan supaya mengambil langkah menyiarkan dan mewajibkan siaran azan pada tiap-tiap waktu solat fardu yang lima dikesemua tempat awam tanpa sebarang sekatan dan/ atau halangan. Ini adalah kerana sebagai sebuah negara yang meletakkan Islam sebagai agama Persekutuan seperti yang dimaktubkan oleh Artikel 3 Perlembagaan Persekutuan, maka adalah penting untuk syiar Islam dimartabatkan”.

**(Menteri Penerangan, Komunikasi dan Kebudayaan)**

67. PR-1243-U47130  
**Dato' Zulkifli bin Noordin [ Kulim Bandar Baru ]** akan mencadangkan:-

“Bahawa Dewan ini mengambil ketetapan mendesak Menteri Hal Ehwal Dalam Negeri mengambil langkah supaya kesemua banduan dan tahanan yang disabit dan dikenakan hukuman penjara sepanjang hayat hendaklah dikurangkan hukuman penjara tidak melebihi 20 (dua puluh tahun) dan bagi yang telah menjalani hukuman melebihi jumlah 20 tahun tersebut (setelah ditolak cuti dan kelakuan baik) hendaklah dibebaskan dengan serta-merta”.

**(Menteri Dalam Negeri)**

68. PR-1243-U47131  
**Dato' Zulkifli bin Noordin [ Kulim Bandar Baru ]** akan mencadangkan:-

“Bahawa Dewan ini mengambil langkah mendesak Menteri Pengangkutan supaya mengarahkan dan/ atau mengenakan syarat kepada syarikat penerbangan Malaysia Airline, Air Asia atau mana-mana syarikat penerbangan dalam negeri ini supaya membenarkan kakitangan wanitanya terutama pramugari yang beragama Islam pilihan untuk memakai pakaian / pakaian seragam yang mematuhi hukum syara”.

**(Menteri Pengangkutan)**

69. PR-1243-U47132  
**Dato' Zulkifli bin Noordin [ Kulim Bandar Baru ]** akan mencadangkan:-

“Bahawa Dewan ini mengambil ketetapan mendesak Menteri Pengangkutan melarang dan/ atau mengenakan syarat kepada syarikat Penerbangan Malaysia supaya menghentikan penjualan arak dan lain-lain minuman keras dan yang memabukkan semasa di dalam penerbangan”.

**(Menteri Pengangkutan)**

70. PR-1243-U47133  
**Dato' Zulkifli bin Noordin [ Kulim Bandar Baru ]** akan mencadangkan:-

“Bahawa Dewan ini mengambil ketetapan mendesak Menteri Perdagangan Dalam Negeri dan Hal Ehwal Pengguna hanya membenarkan penjualan arak, minuman keras dan yang memabukkan dalam apa bentuk sekalipun hanya di premis-premis khas yang dilesenkan dan hanya khusus untuk masyarakat bukan Islam sahaja; sebagaimana premis khas untuk penjualan nombor ekor, tempat perjudian dan daging khinzir dan lain-lain; dan tidak melesenkan kedai-kedai runcit atau serbaneka daripada menjual arak dan/ atau apa-apa minuman keras dan yang memabukkan dipremisnya. Dewan ini mengambil maklum banyak kes terjadi di mana remaja dan belia beragama Islam yang menyalahgunakan penjualan arak dan minuman berakohol serta kemudahan kondom di kedai-kedai serbaneka ini untuk kegiatan tidak berakhlak dan bermoral, yang akhirnya membawa kepada timbulnya gejala sosial yang serius seperti kegiatan merempit yang melampau, perzinaan, perogolan dan kesalahan seksual dan kes pembuangan bayi”.

**(Menteri Perdagangan Dalam Negeri, Koperasi dan Kepenggunaan)**

71. PR-1243-U47134  
**Dato' Zulkifli bin Noordin [ Kulim Bandar Baru ]** akan mencadangkan:-

“Bahawa Dewan ini mengambil ketetapan mendesak Perdana Menteri supaya dengan segera mengujudkan Kementerian Hal Ehwal Sabah & Sarawak (atau singkatannya “KHASS”) dengan seorang Menteri berjawatan penuh untuk menjaga hal ehwal pembangunan, infrastruktur, kebajikan dan kepentingan rakyat Sabah & Sarawak termasuk memberi portfolio berkaitan Koridor Ekonomi Sabah/ Sarawak, dan kesemua agensi pembangunan Persekutuan mestilah melalui Kementerian ini supaya segala projek pembangunan & infrastruktur di Sabah dan Sarawak dapat diselaraskan dan dikawal selia serta dipantau dengan lebih berkesan.”

**(Perdana Menteri)**

72. PR-1243-U47135  
**Dato' Zulkifli bin Noordin [ Kulim Bandar Baru ]** akan mencadangkan:-

“Bahawa Dewan ini mengambil ketetapan mencadangkan kepada Menteri di Jabatan Perdana Menteri supaya mengkaji dan melaksanakan projek membesarkan dan membaikpulih Masjid Jame' Bandaraya Kuala Lumpur termasuk membina mihrab dan mimbar baru yang bersesuaian,



menurap keseluruhan tapak Masjid tersebut dengan marmar sebagaimana yang dibuat di Masjidil Haram dan Masjid Nabawi serta memperkukuhkan bumbung Masjid tersebut agar dapat menampung jemaah untuk mengerjakan solat terutamanya solat Jumaat dan kedua 'Eidulfitri & 'Eiduladha memandangkan pertambahan jemaah yang semakin meningkat mutakhir ini”.

**(Perdana Menteri)**

73. PR-1243-U47136  
**Dato' Zulkifli bin Noordin [ Kulim Bandar Baru ]** minta akan mencadangkan:-

“Bahawa Dewan ini mengambil ketetapan mendesak Kementerian Dalam Negeri dan Kementerian Sumber Manusia supaya mengeluarkan larangan terhadap mana-mana pembantu rumah asing yang beragama Islam daripada bekerja dengan mana-mana majikan yang bukan beragama Islam. Ini adalah kerana terdapat banyak aduan pembantu-pembantu rumah asing yang beragama Islam yang dipaksa memakai pakaian bercanggah dengan Islam seperti berseluar pendek, memakan makanan dan minuman yang haram seperti babi dan arak, serta dipaksa memandikan dan membela anjing dan tinggal di persekitaran dan suasana yang jelas bercanggah dan/ atau tidak bersesuaian dengan seorang Muslim”.

**(Menteri Dalam Negeri)**

74. PR-1243-U47137  
**Dato' Zulkifli bin Noordin [ Kulim Bandar Baru ]** akan mencadangkan:-

“Bahawa Dewan ini ini mengambil ketetapan mencadangkan kepada Kementerian Kewangan supaya membenarkan pencarum KWSP yang beragama Islam mengeluarkan simpanan mereka bagi tujuan mengerjakan 'ibadah haji bagi diri mereka dan keluarga terdekat sekurang-kurangnya sekali dalam seumur hidup mereka walaupun belum mencapai umur persaraan 55 tahun; Selanjutnya Dewan juga mengambil ketetapan mendesak Kementerian Kewangan supaya segera mengambil langkah memansuhkan Seksyen 167 Akta Insurans dan Peraturan 6 Peraturan KWSP 2001 yang banyak menimbulkan masalah dan disalahgunakan oleh penama yang dinamakan sebagai benefisiari kerana banyak kes di mana penama apabila menerima wang caruman daripada KWSP telah tidak membahagikan wang tersebut menurut syara' dan hukum faraid; atau sebagai alternatif mengenakan syarat kepada pengurusan KWSP supaya wang caruman simati tidak dibayar kepada penama kecuali mereka telah mengemukakan sijil faraid daripada Mahkamah Syariah dan pembayaran dibuat oleh KWSP terus kepada waris-waris yang dinamakan didalam sijil faraid yang dikeluarkan oleh Mahkamah Syariah yang berbidangkuasa tersebut”.

**(Menteri Kewangan)**

75. PR-1243-U47138  
**Dato' Zulkifli bin Noordin [ Kulim Bandar Baru ]** akan mencadangkan:-

“Bahawa Dewan ini mengambil ketetapan mendesak Kementerian Pertahanan supaya mengujudkan kem-kem Program Latihan Khidmat Negara (PLKN) yang mengambil hanya pelatih wanita sahaja sebagai pilihan bagi mereka dan ibu-bapa yang mahukan anak perempuan mereka diasingkan kerana terlalu banyak aduan pelatih-pelatih wanita yang melalui pengalaman diganggu oleh sama ada pelatih atau petugas lelaki sehingga ada yang ke peringkat mencabul, mendera dan merogol; ramai ibu-bapa yang mengadu anak perempuan mereka yang apabila kembali daripada PLKN berubah menjadi terlalu terbuka dalam pergaulan dan perhubungan dengan lelaki walaupun sebelum ke PLKN anak-anak mereka sangatlah bersopan dan menjaga akhlak dan batasan pergaulan dengan lelaki; Selanjutnya Dewan mengambil ketetapan mendesak Kementerian Pertahanan supaya menerapkan dalam syllabus latihan kepada pelatih-latih beragama Islam modul nilai Islam seperti mewajibkan solat jemaah pada tiap waktu solat fardu, qiamullail dan tahajjud, dan melatih mereka supaya mengimarahkan masjid dengan selalu mengadakan program qiamullail dimana-mana masjid berhampiran kem PLKN, yang mana ini akan bukan sahaja menjalinkan ukhwah dan persaudaraan dengan masyarakat sekeliling, ianya juga akan memperkukuh dan memperkuatkan aspek spiritual dan kerohanian pelatih-pelatih PLKN”.

**(Menteri Pertahanan)**

76. PR-1243-U47139  
**Dato' Zulkifli bin Noordin [ Kulim Bandar Baru ]** akan mencadangkan:-

“Bahawa Dewan ini mengambil ketetapan mencadangkan kepada Kementerian Dalam Negeri, dengan kerjasama Jabatan Perdana Menteri (Bahagian Hal Ehwal Islam) supaya mengkaji kepada keperluan mengujudkan sebuah pusat tahanan, penjara dan/ atau tempat perlaksanaan hukuman bagi mereka yang disabit dan dijatuhkan hukuman oleh mana-mana Mahkamah Syariah yang berbidangkuasa memandangkan tiadanya pusat tahanan, penjara dan/ atau tempat perlaksanaan hukuman bagi pesalah-pesalah syarie seperti yang kita persaksikan dalam kes Kartika Sari Dewi Syukarno. Dewan mengambil perhatian bahawa perlaksanaan hukuman bagi pesalah syarie adalah sangat berbeza dari tujuan, matlamat dan bentuk hukuman bagi pesalah syarie berbanding dengan pesalah di Mahkamah Sivil”.

**(Perdana Menteri)**

77. **Tuan Karpal Singh [ Bukit Gelugor ]** akan mencadangkan:-

“Bahawa Dewan ini membincangkan kelakuan, Dato’ Hj Abdul Malik bin Hj Ishak, (kini Hakim Mahkamah Rayuan, Malaysia, dan pada masa material merupakan Hakim, Mahkamah Tinggi Malaya di Johor Bahru) yang mana beliau, ‘*plagiarise*’ penghakiman Hakim Mahkamah Tinggi, Singapura, G.P. Selvam (kini bersara) pada atau lebih kurang awal tahun 2000 dalam suatu kes hakcipta.

Bahawa adalah jelas merupakan satu salah laku yang serius bagi pihak Dato’ Hj Abdul Malik bin Hj. Ishak yang telah memburukkan nama kehakiman Malaysia.

Bahawa Dewan ini ambil perhatian bahawa pada 22 Ogos 2011, YB Ahli Parlimen, Bukit Gelugor telah melalui suratnya kepada Dato’ Hj Abdul Malik bin Hj Ishak (telah diakuterima oleh beliau pada 22 Ogos 2011) membuat alegasi plagiarisma yang dinyatakan di atas dan bahawa Dato’ Hj Abdul Malik bin Hj Ishak sepatutnya membalas kepada surat tersebut dalam masa 7 hari selepas penerimaan surat tersebut. Dan selaras dengan rukun keadilan asasi YB Ahli Parlimen, Bukit Gelugor telah memberi Dato’ Hj Abdul Malik bin Hj Ishak satu peluang untuk membuat balasan terhadap alegasi tersebut.

Bahawa memandangkan keadaan berikut, YB Ahli Parlimen Bukit Gelugor melalui surat bertarikh 29 September, 2011 kepada Dato’ Haji Abdul Malik bin Hj Ishak di mana surat tersebut diakuterima oleh Dato’ Hj Abdul Malik bin Hj Ishak pada 29 September, 2011 memaklumkan Dato’ Hj Abdul Malik bin Hj Ishak bahawa memandangkan tiada balasan terhadap alegasi plagiarisma, ia berjumlah kepada pengakuan terhadap alegasi tersebut.

Bahawa Dewan ini menyeru Perdana Menteri untuk mengguna pakai peruntukkan Perkara 125(3), Perlembagaan Persekutuan bagi tujuan merujuk Dato’ Hj Abdul Malik bin Hj Ishak kepada satu tribunal yang ditubuhkan oleh Yang Di-Pertuan Agong berdasarkan Fasal 4 untuk melucut Dato’ Hj Abdul Malik bin Hj Ishak daripada jawatan beliau sebagai Hakim Mahkamah Rayuan, Malaysia atas alasan salah laku yang telah dilakukan oleh beliau.

Dan bahawa Dato’ Hj Abdul Malik bin Hj Ishak adalah digantung kerja sebagai Hakim Mahkamah Rayuan, Malaysia sementara menunggu suatu laporan daripada tribunal tersebut di bawah klausa 3.”

Ahli-ahli yang Berhormat yang turut mengusulkan:-

- 1) YB Tuan Karpal Singh a/l Ram Singh (Bukit Gelugor)
- 2) YB Tuan Gobind Singh Deo (Puchong)
- 3) YB Tuan Lim Kit Siang (Ipoh Timur)
- 4) YB Dato' Seri Anwar bin Ibrahim (Permatang pauh)
- 5) YB Tuan Haji Ahmad bin Kasim (Kuala Kedah)

- 6) YB Tuan Saifuddin Nasution bin Ismail (Machang)
- 7) YB Dato' Haji Mahfuz bin Haji Omar (Pokok Sena)
- 8) YB Tuan John a/l Fernandez (Seremban)
- 9) YB Tuan Ooi Chuan Aun (Jelutong)
- 10) YB Tuan Sim Tong Him (Kota Melaka)
- 11) YB Tuan Manogaran a/l Marimuthu (Teluk Intan)
- 12) YB Tuan Mohd Firdaus bin Jaafar (Jerai)
- 13) YB Tuan Mohd Nasir bin Zakaria (Padang Terap)
- 14) YB Dato' Rashid bin Din (Merbok)
- 15) YB Tuan Muhammad bin Husain (Pasir Puteh)
- 16) YB Tuan Hee Loy Sian (Petaling Jaya Selatan)
- 17) YB Dato' Dr. Haji Mohd Hayati bin Othman (Pendang)
- 18) YB Tuan Abdullah Sani bin Abdul Hamid (Kuala Langat)
- 19) YB Tuan Tony Pua Kiam Wee (Petaling Jaya Utara)
- 20) YB Tuan Manikavasagam a/l Sundaram (Kapar)
- 21) YB Tuan Che Uda bin Che Nik (Sik)
- 22) YB Dr. Che Rosli bin Che Mat (Hulu Langat)
- 23) YB Puan Hajah Fuziah binti Salleh (Kuantan)
- 24) YB Puan Hajah Zuraida binti Kamaruddin (Ampang)
- 25) YB Tuan Haji Mohd Abdul Wahid bin Haji Endut  
(Kuala Terengganu)
- 26) YB Tuan William Leong Jee Keen (Selayang)
- 27) YB Dato' Johari bin Abdul (Sungai Petani)
- 28) YB Tuan Haji Ab Aziz bin Ab Kadir (Ketereh)
- 29) YB Dato' Kamarul Baharin bin Abbas (Telok Kemang)
- 30) YB Tuan Mohd Yusmadi bin Mohd Yusoff (Balik Pulau)
- 31) YB Puan Chong Eng (Bukit Mertajam)
- 32) YB Dato' Haji Ab. Halim bin Ab. Rahman (Pengkalan Chepa)
- 33) YB Tuan Chua Tian Chang (Batu)
- 34) YB Puan Nurul Izzah binti Anwar (Lembah Pantai)
- 35) YB Tuan Liew Chin Tong (Bukit Bendera)
- 36) YB Dr. Haji Dzulkefly Ahmad (Kuala Selangor)
- 37) YB Tuan Mohamed Azmin bin Ali (Gombak)
- 38) YB Tuan Charles Anthony a/l R. Santiago (Klang)
- 39) YB Tuan Azan bin Ismail (Indera Mahkota)
- 40) YB Tuan Gwo-Burne Loh (Kelana Jaya)

- 41) YB Tuan Wong Ho Leng (Sibu)
- 42) YB Dr. Mujahid Yusof Rawa (Parit Buntar)
- 43) YB Dr. Mohd Hatta bin Md Ramli (Kuala Krai)
- 44) YB Dato' Haji Wan Abd. Rahim bin Wan Abdullah  
(Kota Bharu)
- 45) YB Tuan Sivarasa a/l K. Rasiah (Subang)
- 46) YB Tuan Khalid bin Abd Samad (Shah Alam)
- 47) YB Tuan Dr. Hiew King Cheu (Kota Kinabalu)
- 48) YB Tuan Chong Chieng Jen (Bandar Kuching)
- 49) YB Tuan Er Teck Hwa (Bakri)
- 50) YB Dato' Haji Taib Azamudden bin Md Taib (Baling)
- 51) YB Prof. Dr. Ramasamy a/l Palanisamy (Batu Kawan)
- 52) YB Dato' Seri Ir. Mohammad Nizar bin Jamaluddin  
(Bukit Gantang)
- 53) YB Tuan Loke Siew Fook (Rasah)
- 54) YB Puan Hajah Siti Zailah binti Mohd Yusoff  
(Rantau Panjang)
- 55) YB Dato' Ngeh Koo Ham (Beruas)
- 56) YB Tan Sri Dato' Seri Abd Khalid bin Ibrahim  
(Bandar Tun Razak)
- 57) YB Dr. Tan Seng Giaw (Kepong)
- 58) YB Tuan Fong Kui Lun (Bukit Bintang)
- 59) YB Puan Fong Po Kuan (Batu Gajah)

**(Perdana Menteri)**

**RISALAT-RISALAT YANG DIBAWA KE DALAM MESYUARAT  
(DEWAN RAKYAT)**

<b><u>TAHUN 2011</u></b>	<b><u>RISALAT/DOKUMEN</u></b>	<b><u>TARIKH DIBENTANGKAN</u></b>
CMD.12	Laporan Ketua Audit Negara Mengenai Penyata Kewangan Kerajaan Negeri dan Pengurusan Kewangan Jabatan / Agensi Negeri <b>Johor</b> Tahun 2010	24 Oktober 2011
CMD.13	Laporan Ketua Audit Negara Mengenai Penyata Kewangan Kerajaan Negeri dan Pengurusan Kewangan Jabatan / Agensi Negeri <b>Kedah</b> Tahun 2010	24 Oktober 2011
CMD.14	Laporan Ketua Audit Negara Mengenai Penyata Kewangan Kerajaan Negeri dan Pengurusan Kewangan Jabatan / Agensi Negeri <b>Kelantan</b> Tahun 2010	24 Oktober 2011
CMD.15	Laporan Ketua Audit Negara Mengenai Penyata Kewangan Kerajaan Negeri dan Pengurusan Kewangan Jabatan / Agensi Negeri <b>Melaka</b> Tahun 2010	24 Oktober 2011
CMD.16	Laporan Ketua Audit Negara Mengenai Penyata Kewangan Kerajaan Negeri dan Pengurusan Kewangan Jabatan / Agensi Negeri <b>Sembilan</b> Tahun 2010	24 Oktober 2011
CMD.17	Laporan Ketua Audit Negara Mengenai Penyata Kewangan Kerajaan Negeri dan Pengurusan Kewangan Jabatan / Agensi Negeri <b>Pahang</b> Tahun 2010	24 Oktober 2011
CMD.18	Laporan Ketua Audit Negara Mengenai Penyata Kewangan Kerajaan Negeri dan Pengurusan Kewangan Jabatan / Agensi Negeri <b>Perak</b> Tahun 2010	24 Oktober 2011
CMD.19	Laporan Ketua Audit Negara Mengenai Penyata Kewangan Kerajaan Negeri dan Pengurusan Kewangan Jabatan / Agensi Negeri <b>Perlis</b> Tahun 2010	24 Oktober 2011

<u>TAHUN</u> <u>2011</u>	<u>RISALAT/DOKUMEN</u>	<u>TARIKH</u> <u>DIBENTANGKAN</u>
CMD.20	Laporan Ketua Audit Negara Mengenai Penyata Kewangan Kerajaan Negeri dan Pengurusan Kewangan Jabatan / Agensi Negeri <b>Pulau Pinang</b> Tahun 2010	24 Oktober 2011
CMD.21	Laporan Ketua Audit Negara Mengenai Penyata Kewangan Kerajaan Negeri dan Pengurusan Kewangan Jabatan / Agensi Negeri <b>Sabah</b> Tahun 2010.	24 Oktober 2011
CMD.22	Laporan Ketua Audit Negara Mengenai Penyata Kewangan Kerajaan Negeri dan Pengurusan Kewangan Jabatan / Agensi Negeri <b>Sarawak</b> Tahun 2010	24 Oktober 2011
CMD.23	Laporan Ketua Audit Negara Mengenai Penyata Kewangan Kerajaan Negeri dan Pengurusan Kewangan Jabatan / Agensi Negeri <b>Selangor</b> Tahun 2010	24 Oktober 2011
CMD.24	Laporan Ketua Audit Negara Mengenai Penyata Kewangan Kerajaan Negeri dan Pengurusan Kewangan Jabatan / Agensi Negeri <b>Terengganu</b> Tahun 2010	24 Oktober 2011
CMD.25	Laporan Ketua Audit Negara Mengenai Aktiviti Jabatan / Agensi Dan Pengurusan Syarikat Kerajaan Negeri <b>Johor</b> Tahun 2010	24 Oktober 2011
CMD.26	Laporan Ketua Audit Negara Mengenai Aktiviti Jabatan / Agensi Dan Pengurusan Syarikat Kerajaan Negeri <b>Kedah</b> Tahun 2010	24 Oktober 2011
CMD.27	Laporan Ketua Audit Negara Mengenai Aktiviti Jabatan / Agensi Dan Pengurusan Syarikat Kerajaan Negeri <b>Kelantan</b> Tahun 2010.	24 Oktober 2011
CMD.28	Laporan Ketua Audit Negara Mengenai Aktiviti Jabatan / Agensi Dan Pengurusan Syarikat Kerajaan Negeri <b>Melaka</b> Tahun 2010	24 Oktober 2011

<u>TAHUN</u> <u>2011</u>	<u>RISALAT/DOKUMEN</u>	<u>TARIKH</u> <u>DIBENTANGKAN</u>
CMD.29	Laporan Ketua Audit Negara Mengenai Aktiviti Jabatan / Agensi Dan Pengurusan Syarikat Kerajaan <b>Negeri Sembilan</b> Tahun 2010	24 Oktober 2011
CMD.30	Laporan Ketua Audit Negara Mengenai Aktiviti Jabatan / Agensi Dan Pengurusan Syarikat Kerajaan Negeri <b>Pahang</b> Tahun 2010	24 Oktober 2011
CMD.31	Laporan Ketua Audit Negara Mengenai Aktiviti Jabatan / Agensi Dan Pengurusan Syarikat Kerajaan Negeri <b>Perak</b> Tahun 2010	24 Oktober 2011
CMD.32	Laporan Ketua Audit Negara Mengenai Aktiviti Jabatan / Agensi Dan Pengurusan Syarikat Kerajaan Negeri <b>Perlis</b> Tahun 2010	24 Oktober 2011
CMD.33	Laporan Ketua Audit Negara Mengenai Aktiviti Jabatan / Agensi Dan Pengurusan Syarikat Kerajaan Negeri <b>Pulau Pinang</b> Tahun 2010	24 Oktober 2011
CMD.34	Laporan Ketua Audit Negara Mengenai Aktiviti Jabatan / Agensi Dan Pengurusan Syarikat Kerajaan Negeri <b>Sabah</b> Tahun 2010	24 Oktober 2011
CMD.35	Laporan Ketua Audit Negara Mengenai Aktiviti Jabatan / Agensi Dan Pengurusan Syarikat Kerajaan Negeri <b>Sarawak</b> Tahun 2010	24 Oktober 2011
CMD.36	Laporan Ketua Audit Negara Mengenai Aktiviti Jabatan / Agensi Dan Pengurusan Syarikat Kerajaan Negeri <b>Selangor</b> Tahun 2010	24 Oktober 2011
CMD.37	Laporan Ketua Audit Negara Mengenai Aktiviti Jabatan / Agensi Dan Pengurusan Syarikat Kerajaan Negeri <b>Terengganu</b> Tahun 2010	24 Oktober 2011



<b><u>TAHUN</u></b> <b><u>2011</u></b>	<b><u>RISALAT/DOKUMEN</u></b>	<b><u>TARIKH</u></b> <b><u>DIBENTANGKAN</u></b>
CMD.38	Laporan Ketua Audit Negara Tahun 2010 -Penyata Kewangan dan Pengurusan Kewangan Kementerian / Jabatan Kerajaan Persekutuan.	24 Oktober 2011
CMD.39	Laporan Ketua Audit Negara Tahun 2010 -Aktiviti Kementerian / Jabatan dan Pengurusan Syarikat Kerajaan Persekutuan.	24 Oktober 2011
CMD.40	Laporan Ketua Audit Negara Tahun 2010 -Pengurusan Kewangan dan Aktiviti Serta Pengurusan Syarikat/Subsidiari Badan Berkanun Persekutuan.	24 Oktober 2011
CMD.41	Laporan Maklum Balas Daripada Perbendaharaan Malaysia Ke Atas Isu-Isu Utama Dalam Laporan Ketua Audit Negara Mengenai Penyata Kewangan Dan Aktiviti Kementerian / Jabatan Serta Pengurusan Syarikat Kerajaan Persekutuan Bagi Tahun 2010	24 Oktober 2011
CMD.42	Laporan Maklum Balas Daripada Perbendaharaan Malaysia Ke Atas Isu-Isu Utama Dalam Laporan Ketua Audit Negara Mengenai Aktiviti Badan Berkanun Serta Syarikat Subsidiari Persekutuan Bagi Tahun 2010	24 Oktober 2011